

E acuerdo firma entre Minister Chris Romero y su homologo di Colombia lo facilita servicionan aereo entre ambos pais

Aruba y Colombia ta firma acuerdo di aviacion

Ta spera cu e acuerdo aki lo intensifica mas ainda e relacionnan turistico y comercial entre Aruba y Colombia

Pagina 2

Ningun dia Asociacion di Banco a ser consulta pa cobra BBO riba tur transaccion



Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service

Your protection partner since 1996

INVEST SECURE N.V.

Phone: (297) 582-7252
E-mail: insec@setarnet.aw
f: @investsecurearuba

We don't just say it... We Guarantee it!

Dia cu AWEMainta a publica e noticia cu dia prome di juli awor, tur banco comercial lo tin cu paga tur impuesto, manera BBO, BAZV y BAVP, riba tur transaccion bancario, e opinionnan tabata cu esaki no ta husto. Y cobrando na rason di 6% y ningun hende no sa pa cubri ki deficit e suma aki lo ta destina y lo core cu tur inversionista.

Pagina 3

Payroll Pro HRM

Always accurate and easy customizable

Quick support from our locally based specialists

VCC International NV

- Complete integration of HRM and Payroll
- The #1 payroll software in the Dutch Caribbean
- For all commercial and governmental organizations

Tel.: 583-7072 | info@vcc-int.com | www.vcc-int.com

E acuerdo firma entre Minister Chris Romero y su homologu di Colombia lo facilita servicionan aereo entre ambos pais

Aruba y Colombia ta firma acuerdo di aviacion

Ta spera cu e acuerdo aki lo intensifica mas ainda e relacionnan turistico y comercial entre Aruba y Colombia

MINISTER di Transporte, Comunicacion y Sector Primario, sr. Chris Romero, a firma un acuerdo pa cu Transporte Aereo cu e Minister di Transporte di Colombia, sr. German Cardona Gutierrez.

E acuerdo aki lo facilita e establecimiento y explotacion di servicionan aereo internacional entre Aruba y Colombia, di parti e aerolinianan asigna pa ambos pais.

Ta spera cu e acuerdo aki lo intensifica e conexiionnan aereo entro e dos paisnan. “E convenio nobo di transporte aereo entre Colombia y Aruba, lo tin como proposito e fortificacion di e union existente cu semper tabatin entre e dos nacionnan aki, den aspectonan manera turismo, sectornan social y economico. Di e manera aki nos ta estrecha mas ainda e lasonan cu pa siglonan a uni nos paisnan”, tabata palabranan di Minister Chris Romero den cuadro di e acuerdo nobo cu a keda firma entre Aruba y Colombia.

Ademas di intensifica turismo den ambos via, e acuerdo aki lo permiti e exploracion di otro alternativanan pa cu turismo. Colombia y Aruba ta sondeando e mihor posibilidadnan pa genera paketenan conhunto di turismo pa ofrese na e mercado Europeo. “Nos Embahada ta apoyando e esfuersonan aki, nos ta pensa cu e posicion di e partinan di Caribe Hulandes lo por

fungi como brug entre Europa y Latino America, como cu e lo por hunga un rol importante den e incremento di turismo Europeo pa e region”, Embahador di Reino Hulandes na Colombia, Jeroen Roodenburg, a afirma.

Miriam Dabian, Director di Aruba Tourism Authority (ATA) pa Latino America, ta di pensamento cu “e firma di e acuerdo aki ta constitui un gran avance tanto pa Aruba y Colombia den e desaroyo di Transporte Aereo. Nos ta spera cu esaki por traduci

den beneficiacion comercial door di e apertura di rutan aereo nobo, for di y pa nos isla”.

E relacion entre Colombia y Aruba ta uno estrecho. No solamente den terminonan turistico y comercial, como cu Aruba ta ocupa e di 13 lugar pa lora ta destino di e exportacionnan Colombiano, si no tambe, entre otro temanan, pa e atencion medico cu pacientnan cu diagnosticonan medico complejo proveniente di Aruba, ta ricibi na diferente ciudad di Colombia.



Mocion pa protege islanan ABC pasa den Tweede Kamer

UN gran mayoria den Tweede Kamer kier pa minister Ank Bijleveld di Defensa consulta su aliadonan riba e fortalecimiento di e defensa militar di e partinan Caribense di Reino.

Cu e fin aki, Tweede Kamer a adopta un mocion di Isabelle Diks (GroenLinks) cu solamente e votonan di SP y Partij voor de Dieren en su contra. E motibo

di e mocion ta e preocupacion di e intensificacion di e disturbionan na Venezuela y e regimen di Nicolas Maduro ta seduci pa e “aventurismo militar” den e region.

Diks kier pa e motibo ey ta pidi pa un “defensa mas robusto” di e islanan ABC y pa Hulanda e ora haci acuerdonan

formal cu Francia y Gran Britania kendenan alabes tin interesnan den Caribe, pero tambe cu Merca.

Mas durante principio di aña, a adverti Tweede Kamer desde circulonan naval cu e presencia actual di Defensa den e partinan Caribense di Reino no ta suficiente.

Ningun dia Asociacion di Banco a ser consulta pa cobra BBO riba tur transaccion

DIA cu AWEMainta a publica e noticia cu dia prome di juli awor, tur banco comercial lo tin cu paga tur impuesto, manera BBO, BAZV y BAVP, riba tur transaccion bancario, e opinionnan tabata cu esaki no ta husto. Y cobrando na rason di 6% y ningun hende no sa pa cubri ki deficit e suma aki lo ta destina y lo core cu tur inversionista.

Pero asina cu tin un critica riba maneho di Gobierno, MEPistanan ta bin afo, manera e Presidente di MEP, dr. Gerrit Croes bisa, cu loke cu AWEMainta a publica ta fake news.

Un muestra di falta di corahe, pero awor e propio Presidente di Asociacion di Banco, Elvin Maduro a declara cu e ley t'asina y e medida aki lo wordo incalcula pa tur esnan cu haci transaccion, sea on line of no.

Ningun dia Asociacion di Banco a ser consulta pa cu e consecuencia cu esaki por tin, esta cu dia prome di juli awor en adelante, riba tur transaccion lo tin cu paga 6% pa cu e impuestonan menciona. Segun Elvin Maduro, esaki ta motibo cu Asociacion di Banco a pidi un reunion cu Minister di Finanza, sra. mr. Xiomara Ruiz Maduro, pa tende for di "horses mouth", si e medida aki lo conta pa tur transaccion.

Ta manera nos a haci mencion caba, e lo ta funesto pa cu economia di nos pais, cu ya caba ta stagna, pasobra ningun hende lo kier sigui inverti den un situacion asina.

Nos di AWEMainta lo sigui e desaroyo aki di aserca, pa mustra cu Gobierno ta fout bezig, pasobra den e ley anterior, no



a cobra e.o. BBO riba ningun transaccion y dicen awor si mester cobre, y ta destina pa cubri ki déficit di presupuesto?

MINISTER XIOMARA RUIZ MADURO

Despues di a tende e reaccion di Presidente di Asociacion di Banco, Elvin Maduro, Minister di Finanza, Xiomara Ruiz Maduro, a core convoca un conferencia di prensa, unda el a duna di conoce cu sigur ta su intencion pa reuni cu Asociacion di Banco di Aruba, pero debi na otro compromisonan, el a pospone pa awe.

P'esey Xiomara Ruiz Maduro ta lamenta cu Elvin Maduro, Presidente di ABA tabata mucho lihe cu su reaccion y no tabatin pasenshi pa warda riba e reunion di awe. (Red: e reunion mester a tuma luga prome cu e ley a wordo pasa y no awo).

Pero asina mes, e mandatario ta dispuesto pa reuni ainda cu ABA pa clarifica loke el a califica como malentendimiento.

Pasobra na su opinion, banconan comercial por absorba e 6% ey y no mester incalcula esaki p'e clientenan, y kit'e despues for di nan winstbelasting. Ta danki n'e observacionnan haci pa e.o. AWEMainta, awor ta core pa tende e.o. ABA. Vissen achter 't net, ta un comentario cu nos a haya.

AREGLO NOBO

Loke a hala nos atencion ta cu awor cu e areglo nobo di BBO e companianan di afo cu ta bin traha na Aruba cu no ta BBO plichting awor for di dia 1 di juli awor. Pero t'esun cu contrata nan mester bay paga e BBO riba loke nan tin cu paga e compania di afo.

Awor nos pregunta ta, Gobierno a realisa cu nan a caba di aumenta e prijs di contruccion di Hospital, Watty Vos Blvd y tambe e green corridor tambe cu e cambio aki!!

Awor ta ken mester culpa p'e extra gastonan aki?????

Mescos cu Gobierno a elimina "Sucessie Belasting, pero si a introduci e BBO riba herencia y schenking??? Asina Gobierno por cobra mas ainda. Atrobe ta engañabo cu algo y manda e puñal den lomba, ta otro observacion ricibi.



CAFT ta insisti pa gobierno baha gasto

Persecucion politico ta sigui crea espacio pa nombracion politico continua

E conseho di CAFT ta bisa bon cla kico gobierno tin cu haci na su presupuesto 2018 cu a wordo aproba caba pa Parlamento y fuera di e rapport di e commission di supervision, gobierno di Reino tambe a mostra bon cla riba cambionan cu gabinete Wever Croes tin cu haci na e presupuesto aki pa cumpli cu palabracionnan acorda. Tin cosnan cu no ta bon den e presupuesto, no tin claridad riba kico gobierno kier logra of kier bay pa drecha e situacion financiero y na mesun momento a mostra cu e 'Financieel Economisch Memorandum' tambe tin cu wordo cambia ya cu e no ta cuadra cu e presupuesto entrega pa gobierno na Parlamento.

Fraccion di AVP ta mostra cu e desaroyonan aki no ta algo nobo pa e fraccion y sigur no ta un sorpresa cu esaki ta tumando luga, ya cu for di momento cu gobierno a dicidi di forsa e presupuesto, ya caba tabatin hopi observacion cu a wordo haci y cuestiona pero cu gobierno no a presta atencion na esakinan.

Hasta prome cu e presupuesto a wordo trata den reunion publico por ehempel, Raad van Advies y tambe CAFT a mostra riba e hecho cu gobierno su gasto di personal y gasto di maneho a aumenta sin cu tin splicacion hustifica pa esaki.

AVP a mostra na mas c'un ocasion cu e solo hecho cu gabinete Wever Croes mes a informa cu a manda mas cu

300 hende cas despues di a tuma mando di gobernacion, e dos instancianan ta mostra cu gobierno a mostra un aumento di mas di 100 trahado nobo, pues por papia di un entrada di 400 persona.

Mientras cu gobierno na varios ocasion a nenga cu e ta implemente un maneho di persecucion politico, tin informacionnan continuo cu ta mostra cu e proceso aki ta sigui su curso y caminda un biaha mas gobierno ta aumentando gasto di personal sin hustificacion algun.

Na departamento di DIP por ehempel a manda un grupo di cinco persona cas cu pago, pero na mes momento a nombra mas cu 6 persona den servicio loke ta pone cu na luga di paga cinco salario cu normalmente tabata wordo paga, awor gobierno tin 11 salario pa paga ya cu ainda no a completa e proceso pa retira e hendenan aki for di servicio di gobierno.

Kehonan di persecucion ta sigui wordo denuncia pa esunnan cu ta birando victima di e proceso aki y AVP a wordo poni na altura cu tin varios otro trahado publico a wordo atendi caba riba e pensamiento politico nobo di e gobierno nobo y cu lo bin cambio den nan funcion.

Pues e observacionnan di tanto CAFT y gobierno di Reino ta cuadra cu berdad y tur cos ta indica cu e advertencianan aki no ta yudando algo ya cu e campaña di persecucion ta continuando su curso.



Minister Xiomara Ruiz-Maduro:

Gobierno di Aruba kier su propio organo pa haci supervision

DURANTE conferencia di Prensa Minister señora Xiomara Ruiz-Maduro a elabora riba e raport di Cft riba Presupuesto 2018 di 11 di mei cu a bira publico dia 1 di juni ultimo. Un di e preocupacionnan cu CFT a trece dilanti ta cu te ainda no tin

un acuerdo nobo cu Hulanda pa locual ta trata e supervision financiero y tambe e normanan pa deficit y debe pa e proximo añanan.

Minister Ruiz-Maduro den conferencia di prensa a splica cu na e momentonan aki

Minister Presidente Sra. Evelyn Wever-Croes ta na Hulanda hibando combersacionnan cu Secretario di Estado encarga cu Asunto di Reino Sr. Knops, pa asina riba nivel politico yega na un acuerdo con nos ta sigui

dilanti. Ta negoshando riba e normanan pa deficit y debe, e supervision di Cft pa algun aña mas y riba e propio esfuersonan cu Aruba kier haci pa yega na nos propio begrotingskamer, cual lo ta e organo pa haci supervision financiero



Conkista e cas di bo soño

Laga nos conseha bo con



- ◆ Scoge bo cas
- ◆ Ricibi conseho y guia gratis di bo BFF, "Best Financial Friend"
- ◆ Un oferta di hipoteca personaliza
- ◆ Termina di pago te cu 30 aña
- ◆ Cuminsa paga despues di 6 luna

Pa mas informacion
bishita nos riba

www.arubabank.com

Arubabank®

Un Experiencia Superior



aki na Aruba. Mescos cu paisnan conoce su Hoge Colleges van Staat, manera Parlamento, Algemene Rekenkamer y Raad van Advies, bo tin tambe e Begrotingskamer. E gobierno aki tin e deseo di tin su propio organo di supervision. Pa awor aki tin Cft y esaki ta parti di negociacion cu Minister President ta trahando riba dje. Riba nivel gubernamental for di un luna pasa caba tin negociacionnan extenso andando y awor esaki a escala na e parti politico, caminda decisionnan mester wordo tuma. Na su yegada Minister Presidente lo bay duna mas detayes di e negociacionnan hiba y lo amplia mas riba e deseo pa Aruba por tin su propio organo di supervision financiero segun Minister Ruiz-Maduro.

Minister Xiomara Ruiz-Maduro:

Gastonan di personal extra ta pa atende cu e Social Crisis Plan

Gobierno mester espacio y tempo pa su plan caminda e hende ta central den dje

OTRO preocupacion cu Cft a trece dilanti den nan conseho ta e gastonan di personal y aki e mandatario encarga cu finansa publico durante conferencia di prensa a splica cu gobierno awor bao liderazgo di Minister President tin un comision cu ta trahando riba un propuesta pa yega na un solucion.

Conseho di Minister a ricibi caba un concepto pa repasa. “Nos mester ta sincero, nos no por djis yega bisa cu bo ta manda un cantidad di hende cas y esaki lo no tin consecuencia cun’e, pasobra sigur e lo tin un consecuencia social.”

Minister Ruiz-Maduro a bisa cu no ta pornada cu den Presupuesto di pais Aruba tin 10 miyon extra na gasto di personal, siendo cu mester baha personal. E mandatario a accentua cu den e presupuesto 2018 di pais Aruba aproba tambe tin un social crisisplan cu ta exigi di dje cu bo mester di hende pa haci e trabaonan aki. Ademas di otro banda como gobierno bo no por yega bisa cu bo ta manda 100, 200,

500 hende cas, pasobra locual cu sali di porta dilanti lo bini drenta di porta patras. Es decir esnan cu no tin trabao y cu sector priva no por tuma nan, nan lo bin gobierno pa haya bijstand. “Bo no por kere cu den 6 luna bo ta drecha loke 8 aña a bay scheef. E gobierno aki mester espacio y mester tempo. Espacio pa bini cu un plan coherente, un plan caminda e hende tambe ta central den dje, paso corda bon ta hende bo ta manda cas for di un gobierno, kiermen bo mester percura cu cos ta bay manera mester ta, sino bo ta crea un otro problema pabo. Kita hende manda cas no necesariamente ta baha bo gasto, bo por hayabo cu extra gasto tambe. P’esey mester tin espacio pa asina tin un plan bon hinca den otro.”

Gobierno a brinda Cft tur informacion y “nos a compronde cu Cft despues lo bay duna su replica ariba locual gobierno a trece dilanti. Gobierno a atende cada un di e preocupacionnan di Cft, pasobra largo tempo nos pais tabatin gobernante cu ora algo asina bini, nan tabata hinca

nan cabez den tera, pasobra eleccion ta mas importante. Nos tin cu atende cu e asunto aki si nos kier pa e pais aki progresa y sigur si nos kier drecha nos finanzas publico, no ta tur decision ta popular pero locual cu bini cune ta necesario.”



Segun Minister Xiomara Ruiz-Maduro pa locual ta e preocupacion di Cft riba entradanan:

Gobierno no tin ningun indicacion cu lo no ricibi entradanan presupuesta

Cft ta sali di punto di bista erroneo pa loke ta calculacion di debe

MINISTER di Pa locual ta e Finanza Xiomara entradanan na Ruiz Maduro den e momento aki conferencia di prensa di gobierno no tin Gobierno a reacciona ningun indicacion riba e carta di CFT, cu lo mester duda pa caminda nan a papia realisacion di locual ta cu e entradanan cu e parti di Refineria di Gobierno a indica no Aruba pasobra ya cu ta cuadra cu e datonan nan a cuminsa cumpli cu nan pago. Esaki a

wordo informa tambe na Cft, segun Minister di Finanza, Asuntonan Economico y Cultura. Continuando pa locual ta e preocupacionnan di Cft den su raport cu lo tin un “dubbeltelling” di entrada di ATA, gobierno a trece dilanti cu awor ta hopi prematuro y mester warda e jaarrekening pa por saca un conclusion. Si acaso mes e preocupacion di Cft bira realidad, gobierno a indica na Cft cu despues di a presenta e Presupuesto 2018, Banco Central

a informa cu di nan ganashi, gobierno lo ricibi minimo 5 miyon florin, pues aki a indica na Cft cu no tin motibo pa tin preocupacion y tin placa pa cubri e presupuesto y e deficit lo no bira mas grandi. Pa locual ta trata e debe, na opinion di gobierno, Cft a sali di un informacion cu no ta corecto.

Ora cu ta haci e calculacion, tin cierto cosnan cu bo tin cu tuma na cuenta. Den e calculacion Cft a sali for di un punto di bista erroneo. Den gobierno

su contesta na Cft cual a wordo manda pa prensa tambe fin di siman, a splica como cu Cft ta sali di un punto di bista erroneo, Cft ta yega na un otro conclusion cu gobierno. Minister Xiomara Ruiz-Maduro ta enfatisa den e conferencia di prensa cu Gobierno a splica Cft con nan ta mira e situacion y cu Aruba ta keda den e cuadro di locual a premira den presupuesto 2018 y tambe den e Memorandum Financiero Economico.



Robert Candelaria: Pa añanan no a traha riba siguridat di empleadonan

Peticion pa Gobierno ahusta “ongevallen regeling” pa ambtenaarnan

Accidente semper ta pasa diripiente, pesey ta importante pa ta bon prepara

PA hopi aña ta existi un “ongevallen regeling” pa empleadonan publico, pero pa añanan no a traha riba esaki. Esaki ta pone cu e acuerdo ta anticua y ta rekeri revision y actualisacion. Parlamentario di Fraccion AVP, Robert Candelaria a manda un carta diamars 5 di Juni 2018 pa Gobierno di Aruba. Criminalidad ta birando mas violento, di cual aña pasa tabatin un caso lamentabel den cual un Polis a perde su bida eherciando su trabou. Esaki ta cosnan cu Fraccion di AVP no kier pa ripiti nunca mas ni cu Polis ni cu niun otro ambtenaar.

E carta aki ta basa riba loke ex Minister Presidente Nel Oduber a saca na aña 2004. Den e carta aki Fraccion di AVP ta pidiendo un aumento, di cual e tempo aya si un ambtenaar trahando fayece ta haya 100 mil florin y si e keda invalido y no por traha mas e ta haya un suma maximo di 200 mil florin.

Aworaki e fraccion ta proponiendodenecarta pa Gobierno actualisa e compensacion, unda ta pidi pa aumenta esaki si un ambtenaar haciendo su trabou fayece su famia ta ricibi 200 mil florin. Pero si e no por traha mas, p’e ambtenaar ta haya e

suma maximo di 400 mil florin.

E motibo ta cu Gobierno mester ta un bon dunado di trabou cu ta cuida su empleadonan. Fraccion di AVP ta bin riba e linea di kico e partido ta para p’e. Esaki ta pa yuda cuida esunnan cu no por yuda nan mes bon. E fraccion ta kere cu esaki ta un cos importante pa Gobierno ahusta esaki despues di 14 aña teniendo cuenta cu costo di bida a subi y tur cos a subi. Tur dia e trabou ta core un peliger y por mira con esaki ta aumentando.


Fraccion di AVP ta preferapaaccidentenan no sosode mas, pero den caso cu esaki ta asina mes, e victima mester tin mas atencion na su recuperacion y rehabilitacion y no den su status financiero. Den caso di fayecimento, e famia hopi bes ta keda atras confronta un bashi den cas, tanto fisico como den sosten financiero pa cubri gastonan regular. Tur esaki ta un peticion cu nan ta haci na Prome Minister, asina Parlamentario Candelaria a expresa. E maneho aki ta pa purba mehora nan calidad di bida.

E linea di detaye di maneho Gobierno mester tin e libertad

pa por stipula den e ongevallen regeling. E Parlamentario ta indica cu a bin cu e suma maximo di 400 mil florin a base di e cifranan di companianan di seguro. A puntra den 2018 kico ta e sumanan cu lo ta “redelijk” pa un persona, mirando e experiencia cu nan tin di seguronan di bida, seguronan di “ongevallen” (accidente) cu hendenan no por traha mas door di a keda incapacita. Asina a yega na e suma aki di un maximo di 400 mil florin, pasobra por ta un hende por sigui traha pero no e trabou cu e tabata haci prome. Si e entrada ta menos, ta compensa p’e por yega na e nivel cu e tabata prome. E maneho aki no ta costa presupuesto di Gobierno nada, pasobra cu algo pasa




so Gobierno lo paga. un prima di seguro. Pues no mester paga mensual.



**Yuda Wit Gele Kruis,
paga bo contribucion!**

Pa nos por sigui:

- Yuda nos Grandinan,
- Yuda nos Muchanan,
- Yuda nos Babynan.




Pa informacion por jama: 523-4444

“Bo Famia, nos Cuido”

Experto Marino sr. Arjan de Groene

Di organisacion renombra mundialmente Wereld Natuur Fonds a yega Aruba!

Minister Otmar Oduber kier a recorda comunidad pa reserva nan lugar p'e simposio sumamente interesante cu lo tuma lugar titula: "Marine Protected Areas in Blue Economies, Lessons to be Learned". Esaki ta tuma lugar dia 8 juni 2018, na Aula Universidad di Aruba, cumisando for di 6or y lo finalisa pa 7:30pm. E simposio ta gratis



SYMPOSIUM

MARINE PROTECTED AREAS IN BLUE ECONOMIES

LESSONS TO BE LEARNED

Organisa pa
Ministerio di Medio Ambiente

ORADOR SPECIAL:
ARJAN DE GROENE DI
WERELD NATUUR FONDS

Ocean expert Caribbean

8 JUNI 2018

AULA UNIVERSIDAD DI ARUBA
6 - 7:30 PM

SEA CORDIALMENTE INVITA


Rsvp: roraima.arends@gobierno.aw



**Wereld
Natuur
Fonds**



Ministerio di
Medio Ambiente
Gobierno di Aruba



sinembargo Ta pidi esnan interesa pa reserva nan lugar dor di manda un email na roraima.arends@gobierno.aw

Como cu ta conta cu presencia di Gobernador ta pidi pa tur persona pa tey na ora pues por lo menos 15 minuut prome cu e simposio inicia.

**RICIBI
AWEMAINTA
TUR DIA DEN
BO INBOX
GRATIS**

Registra awo!

Manda bo e-mail na
noticia@awemainta.com

Di amante pa casa pa divorciado

Casa di doño di negoshi a pidi divorcio y el a haya retiro tambe

Recientemente Hues mr. Veling a tuma un decision cu na su parecer tabata e unico forma pa sali for di un impasse di un homber cu mester a traha cu su casa den su negoshi siendo cu e muhe a pidie divorcio.

Ta trata di un caso cu a bay style di urgencia pasobra ta den Huicio Sumario Hues mester a atende e caso. E muhe su Abogado tabata mr. M.J. Eisdien y e caso tabata contra doño dje negoshi Cas di Sencia Impex N.V. Abogado dje unico doño dje negoshi tabata Chester Peterson.

Na 1996 e doño di Impex y e señora cu a demandé tabatin un relacion amoroso te cu 9 aña despues nan a casa. A pasa un par di aña y e doño a nombra e muhe como director di Cas di Sencia.

Dia 30 october 2017 e muhe a cansa dje bida matrimonial y el a pidi divorcio pero ta te dia 15 di januari Abogado dje muhe a notificá e homber cu e kier divorcia.

Reaccion a sigui mesora y dos dia despues e homber a laga skrap number dje muhe como director di Cas di Sencia na Camara di

Comercio. El a registra su mes como unico director.

E siguiente paso tabata cu e muhe a laga Peterson manda un carta pa e homber pa bisa cu e ta considera su mes director ainda y p'e homber bay coregi loke el a scirbi na Camara di Comercio. E homber a yama un reunion di accionista pero e muhe no a presenta.

En todo caso Abogado dje muhe a notifica doño di Cas di Sencia pa nombré bek como director y registré di nobo na Camara di Comercio, paga su salario cu e no a paga y stop di cana difame cu e ta ladron.

Hues no tabatin masha problema pa tuma decision pasobra cuminsando lo ultimo, el a splica cu accionista dje negoshi por core cu e muhe ora e kier. Wel e mester tene cuenta cu ley y regla cu ta conta pa retiro.

E hecho cu e muhe no a presenta na e reunion di accionista ta su mes falta pasobra Hues a hasta bise cu e por bin cu su Abogado.

Por lo tanto e carta di retiro ta legalmente valido y no por anula esaki loke ta nifica cu

for di 16 di februari ultimo e no ta director mas. Como cu no tabatin acuerdo di trabou e no por existi nada y basicamente Hues a rechasa tur demanda dje muhe.

Hues a kere tambe cu e homber ta papia berdad ora el a bisa cu hamas el a cana conta cu e muhe a horta. Y cu esaki practicamente a yega un fin na e episodio aki caminda e muhe a perde casa cu negoshi cu entrada cu tur.



COMMERCIAL REFRIGERATION

SERVICE & REPAIR
for Resorts, Restaurants & Grocery Stores



✓ Fast Response

✓ Solution Oriented

✓ Reliable Services

✓ Improve & Extend Unit Efficiency and Effectiveness

✓ Malfunction Prevention



CONTACT US:

A Caya Ernesto Petronia 45

T 588.2860 C 563.3766

E fertecnv_mfer@outlook.com

f airconditioningaruba

Opening Hours

Dialuna - Diabierna: 8am - 5pm

Diasabra: 9am - 1pm

SERVICIO SEPTICO

ecotech grupo

- Residencial & Comercial
- Servicio Rapido
- Servicio Profesional, Confiabel y Garantisa

* Prys di Awg. 65,- te max. di 7 m³
* Prices based on 3.5% BBO BAZV.

YAMA NOS NA: info@ecotech.aw
582-4684 www.ecotecharuba.com

Like Us On Facebook

Nos ta Acepta ATM ora di duna septic service

AWG 65,- INCL TAXES

Decision di Hof

Tur estadonan miembro di Union Europeo mester reconoce derecho di parehanan homo casa

TUR miembronan di Union Europeo mester protege e derechonan di parehanan homo, hasta si e paisnan ey no ta reconoce e matrimonio gay. Esaki Europees Hof di Husticia a dicidi diaranson den aresta cu tin basta tempo sperando riba dje.

E pareha Clai Hamilton y Adrian Coman kier wordo trata na Rumania como un pareha casa. Diamars Hof Europeo di Husticia a duna nan razon.

“Esaki ta un veredicto increibel,” e Parlamentario Europeo Sophie in ‘t Veld (D66) a bisa. “E ta un milestone y un triunfo grandi pa e famia rainbouw den henter Europa.”

E caso a wordo entabla contra Rumania door di e Rumano Adrian

Coman, kende kier bay establece su mes na su pais natal hunto cu casa Clai Hamilton, cu kende el a casa na Belgica. Pero e porta a keda cera pa Hamilton. E no tabata wordo reconoci como e pareha legal y pa cual e no tabata mag di keda y traha permanentemente na Rumania.

Coman a dicidi di bay Corte na Bucarest, cu a manda e caso pa Europees Hof na Luxemburg. Eynan Hues a duna Coman rason diamars. Ningun estado mag di stroba un ciudadano den union den su derecho di estadia liber door di nenga su casa di mesun sexo, cu ta di un otro pais, e permiso di estado. E miembronan estado no mag wordo obliga, segun Hues, pa realisa matrimonionan homosexual. Esey



ta keda un asunto nacional – pero nan no mag di discrimina homonan cu a casa otro caminda.

Union Europeo tin seis pais unda politico (y un gran parti di e poblacion) no kier tende nada di matrimonio

homosexual. Ademas di Rumania, tin paisnan maner Letland, Lituania, Polonia, Slovakia y Bulgaria. “Nan tur mester bay segun e decision di Hof,” e Parlamentario di D66 a bisa.

E decision aki ta nifica

cu si un ciudadano di Union Europeo tin un bida matrimonial, p.e. na Belgica of Hulanda, e tin derecho pa sigui cu su bida matrimonial na Rumania, sin importa cu kende e persona aki ta casa.

Na Rumania tin activistanan kier trece un cambio den Constitucion unda cu ta bisa cu e famia ta consisti di dos casa, y nan kier cambia esaki cu e ta consisti di “un homber y un muhe”. Esaki ta nifica cu legalisacion di matromonio homosexual den futuro lo no ta algo facil.

Coman, kende a casa cu Hamilton na d2010 na Brussel, a muda y a bay biba cu su casa na Merca. El a dicidi simplemente sigui cu su caso pa bini cu un precedente.



Parlamentario Alan Howell lo keda tras di e proyecto pa sigura cu **Biblioteca San Nicolas lo habri su portanan bek cuminsamento di aña escolar nobo**



PAPIANDO riba e situacion di Biblioteca San Nicolas, Parlamentario di fraccion di POR, Alan Howell a expresa cu tin preocupacion pa cu e forma con esaki ta moviendo mirando cu e ta tardando hopi.

Intencion tabata p'e biblioteca haya un renobacion y lague practicamente nobo, pero cierto aspecto a strobe e proyecto di cana manera debe ser.

Mencionando algun di e aspectonan aki, Howell a menciona e lift y otro cosnan chikito.

Teniendo na cuenta e importancia di e biblioteca aki pa Pariba di Brug, Alan Howell a haci su investigacion y por a compronde di e directora di biblioteca cu si tur cos bay bon pa cuminsamento di e aña escolar nobo, e biblioteca na San Nicolas lo ta cla pa uzo di tur hende.

Pesey mes, Alan Howell a haci un un yamada n'e habitantenan di Pariba di Brug, pa carga un tiki mas di pasenshi. E mes lo ta tras di e proyecto aki, p'e keda cla mas pronto cu ta posibel y asina scol habri por tin e biblioteca bek manera debe ser.

Si Minister Dangui Oduber no sa **Stadion Guillermo Prospero Trinidad ta di Gobierno**

POR ta sin lesa e carta di Concacaf bon, pero den su cayente pa critica dirigencia di Fundacion Lotto pa Deporte, Minister Dangui Oduber a duna di conoce cu Concacaf lo a prohibi dos stadion, esta Stadion Frans Figaroa y Stadion Guillermo Prospero Trinidad di no por usa dicho facilidadnan pa weganen bao di auspicio di Concacaf.

Pero buscando informacion, AWEMainta a haya informacion cu Stadion Guillermo Prospero Trinidad no ta di Fundacion Facilidat Deportivo (FFD), pero su doño ta Gobierno. P'e mandatario den su ansha pa critica Fundacion Lotto pa Deporte, e mandatario no sa mes cu e Stadion Guillermo P. Trinidad ta un propiedad di Gobierno y como tal si ta berdad cu e stadion aki falta di mantencion y e turf mester wordo drecha, kier men ta Gobierno su responsabilidad pa drecha esaki y no FFD.



Anuncio Importante

The Media Group / AWEMainta ta anuncia cu entrante

1 di juli 2018 nos **NO** ta acepta cheque mas.

Por favor tuma bon nota di e anuncio importante aki.

Di antemano masha danki pa e cooperacion.



Muhe a gana 1500 den casino y ladron a horte

ORANJESTAD Un rato bo tin suerte y djey e suerte por disparce manera por arte di magia. Esaki ta loke un señora cu a gana un bunita suma den casino a experiencia.

Dialuna un poco despues di 8'or di mainta un señora ta presenta na Warda di Polis na Playa pa haci entrega di un keho di robo. E señora di inicia LR ta bisa cu un persona desconoci a bay cu su tas cu contenido. E anochi anterior e tabata den casino hungando na slot mashin. Dado momento e mashin a cuminsa zona y a resulta cu el a gana 1500 florin. Ora cu el a ricibi e pago, a hinca e placa aki den su tas y a bay for di e sitio. E tabata canando bay cas den oranan di anochi ey, ora cu desconocinan a ranca su tas bay cune. Den e tas tambe e tabatin su paspoort Dominicano. E denuncia a wordo tuma.

E señora no ta e unico cu a perde su cartera. E homber di inicial P. Tambe a presenta na Warda di Polis na Playa pa haci denuncia di robo di su cartera. Segun el a bisa, e mainta ey el a bay for di cas rond di 4.40 di madrugada y a laga e bentana di camber habri. Ora cu el a bolbe cas rond di 5'or, el a mira cu desconocinan a bay cu su cartera den cual tabatin su carchi AZV, rijbewijs, cedula, carchi bancomatico di CMB. Denuncia a wordo haci.

Homber kier pa Polis listra cas di esun cu e ta kere a hort'e

ORANJESTAD – Na momento cu ciudadanonan normal ta trata di drumi, otro nan ta busca cos malo pa haci. Hopi biaha e trabou mas pisa pa polisnan ta den oranan di madrugada ora cu e.o. ladronnan ta haci nan “trabou”nan.

Dialuna pa algo pasa di 3'or di madrugada Polis ta wordo manda den area di companashi, Edisonstraat, pa un “caso di kiebro” den un cas. A manda un patruya cu tabata riba caya caba na e momentonan ey.

Polisnan ta yega na e sitio y ta papia cu e homber di inicial B., kende a conta nan lo siguiente. “Mi ta biba den un apartamento den Edisonstraat. Dia 3 di juni rond di 21.45 mi a yega mi apartamento. Mi a constata cu e porta di dilanti di e apartamento tabata hancho habri. Pero tambe mi a mira cu e glas di e parti ariba di e porta ta kibra. Mi a dreña paden pa controla si tur cos ta na ordo. Mesora mi a constata cu mi television y mi playstation, cu tabata den sala, a disparce. Mas aleu mi a bin constata cu e television cu tabata den mi camber tambe a wordo horta. Tur e materialnan aki ta di mi propiedad. Mi no a duna ningun hende persona pa comete e delito aki.”

A tuma e denuncia na e sitio y central di Polis a wordo poni na altura di e sucedido. Pero den oranan di atardi un biaha mas Polis mester a interveni den e caso aki. E melding tabata di un homber cu kier pa Polis interveni den un caso di ladronia. E tabata insisti pa Polis listra cas di e persona cu e ta sospecha cu a comete e robo. Pero el a wordo muestra riba e hecho cu e tin cu laga e denuncia cu el a haci cana su caminda normal.

Pa 4.20 di atardi presencia di Polis a wordo pidi na un area den Rudolf Arendstraat, banda di Win Tun, unda e homber ta sperando riba nan. Ta papia cu e homber di inicial B. El a splica cu e dia anterior el a entrega keho di robo. Personanan desconoci a dreña su cas (apartamento) y a bay cu dos television y un playstation. El a bin haya sa, segun e ta bisa, cu habitante di e cas unda cu e ta para ta esun cu a bay cu su aparatonan. El a bisa cu e conoce e mucha homber cu ta biba eyan. E mucha homber aki a bini su cas e mesun dia cu e kiebro y robo a tuma luga. Door di esaki e ta sospecha cu ta e mucha homber aki ta esun cu a comete e kiebro y robo. B. a bisa e Polis cu e kier pa nan dreña e cas en cuestion pa mira si enberdad e mucha homber a horta e aparatonan di dje. E Polisnan a papia cu e mucha homber. E ta bisa cu e no a horta naa di cas di B. E Polis a informa e denuncia cu no ta posibel pa nan haci esey y cu e mester bay na oficina di Recherche pa informa nan di un que otro. El a muestra comprension.

Keho di intento di robo

Dialuna mainta presencia di Polis ta wordo pidi na un adres den Rondweg pa un supuesto caso di intento di kiebro. Esaki lo a sosode den oranan di mainta. Polis na e sitio ta papia cu doño di e cas, kende ta bisa nan cu personanan desconoci a trata di dreña den su cas. Polisnan a bay controla di ki forma esaki a sosode, y a mira cu e porta y kozijn ta demasiado bieu, y e kozijn di e porta ta un poco los. No tabatin indicacion cu e porta di berdad a wordo forsa. A conseha e señora pa trata di drecha e porta y bentananan pa evita cu ladronnan por dreña.

PART-TIME STUDY

- Bachelor Degree in Aruban Law
- Masters Degree in Aruban Law

INFORMATION NIGHT

Date: **June 7, 2018**

Time: **7:00 PM**

Location: **University of Aruba**



**DO YOU WANT TO
CONTINUE WORKING
WHILE STUDYING
PART-TIME?**

E Hofi di Ley

Responsabilidad pa cumpli cu rekisitonan ta importante

DIP su maneho nobo ta duna pueblo oportunidadnan nobo y husto

Despues cu Ministerio di Desaroyo Teritorial, Infraestructura y Medio Ambiente y Departamento di Infraestructura y Planificacion (DIP) a anuncia su maneho nobo di peticion y otorgacion di tereno, e sosten di comunidad ta uno remarcabel.

Comunidad a demostra su confiansa den introduccion di un maneho transparente, eficiente y facil.

Na luna di mei, Ministerio di Desaroyo Teritorial, Infraestructura y DIP a anuncia otorgacion di 300 tereno. Despues di hopi aña ta spera riba tereno, hopi t'esnan cu a ricibi oportunidadnan nobo pa yega na nan propio cas.

Transparencia t'e punto di salida den maneho di DIP y a mostra claramente un proceso nobo cu ta funciona n'e manera di mas husto na bienestar di e ciudadano y pa Aruba generalmente. Cu un proceso di 'First in First out' ta duna tur aplicante e oportunidad husto pa yega na su tereno.

Mas cu claro ta na responsabilidad di cada persona pa cumpli cu e siguiente rekisitonan.

Stap 1 Peticion pa tereno: Unda:

Oficina di DIP; Kico: Paga suma Afl. 6,00 di 'zegel y legeskosten'.

Stap 2 Pre-reservacion: Si bo a yega na remarke y a ricibi carta bek di DIP: Kico awor:

Entrega carta di banco of un otro instituto financiero cu ta indica posibel financiamiento.

Entrega e carta den 30 dia despues di a ricibi carta di DIP.

No ta prolonga pre-reservacion.

Stap 3 Reservacion: Si bo a cumpli cu pre-reservacion, bo lo ricibi carta di Reservacion.

Kico awor: Despues di ricibi carta di Reservacion, bo tin 10 dia pa acepta bo tereno y busca factura na DIP. Despues di busca factura, bo tin 90 dia pa cumpli cu otro rekisitonan.

Posponemento den tur circunstancia ta di maximo 30 dia.

Kico mester entrega den bo 90 dia: Bevolkingsregister no mas bieu cu 3 luna. Carta di banco/instituto financiero. Comprobante di peticion di permiso di construccion di DOW.

Mapa di Cas cu construccion di minimo 30% di e tereno total.

Stap 4 contrato di erfpacht: Despues di Reservacion, bo lo ricibi un contrato di Erfpacht.

Kico awor: Bo tin 3 luna pa hiba contrato di erfpacht na notario y paga gastonan notarial.

STAP 5: Acto Notarial: Despues di a cumpli cu contract di erfpacht, bo tin di cumpli cu Acto Notarial. Kico awor: Hiba contrato di erfpacht na Notario. Bo tin 6 luna pa cumpli cu gastonan di notario y cu acto di hipoteca;

STAP 6: Construcccion: Despues di finalisa Acto Notarial y a cumpli cu gastonan di Notario y cu tin hipoteca, mester cuminsa construccion.

Kico awor: Den 3 luna mester cuminsa cu construccion di vivienda. E termino di tempo aki ta cuminsa desde e fecha cu a pasa e acto notarial; Den 1 aña mester termina construccion; E percela mester tin un minimo di 30% di grandura di e tereno total; E contrato no lo wordo alarga despues di 6 luna.

Pa mas informacion por yega na DIP pa preguntanan of por bishita www.dip.aw.



Migrantenan Venezolano ta un problema pa Aruba tambe

PA loke ta trata e situacion di migrantenan di Venezuela, Parlamentarionan di Corsou, Aruba y Sint Maarten por tuma nota cu pais ruman Aruba ta experienciá mesun situacion.

Tur dos pais ta ripará un aumento alarmante den e subida di migracion iregular di migrante for di Venezuela cu consecuencia di un subida di e cantidad di persona sin documento riba nos paisnan.

Durante e reunionnan di tripartite por a tuma nota cu St. Maarten no ta experencia e mesun impacto di migracion for di Venezuela den nan pais.

E delegacion di St. Maarten a demostrá nan combibencia y sosten pa Còrsou y Aruba. Riba e punto aki a palabra pa


compartí mas informacion entre paisnan y traha mas serca cu otro riba tereno di legislacion y kontrol.

Tur 3 pais, esta Còrsou, Aruba y St. Maarten ta di acuerdo cu nos lo bay tin cu traha hunto pa yega na solucionnan conhunto pa dilemanan comun.

Asina mes nos por tuma nota cu riba tereno di salubridad tin hopi trabou hunto cu ta wòrdo haci entre Còrsou, Aruba y Bonaire (Hulanda).

Minister di Enseñansa sra. Alcalá Walle ta trahando riba un conferencia grandi pa loke ta trata e trabou conhunto den Reino riba e tereno di educacion.

Bo ta interesa pa establece un cafetaria na MFA Savaneta?



Establecimiento di un cafetaria den MFA tin como meta pa crea un lugar y un ambiente agradabel caminda clientenan por disfruta di algo di come y bebe, mientras ta warda riba servicionan den MFA.

E documento "Terms of Reference" (TOR) cu ta contene mas informacion di e rekisitonan pa cu e cafetaria ta

disponibel for di dia 25 di mei na MFA Savaneta, Savaneta 121-F.

Un di e rekisitonan ta por ehempel cu interesadonan mester ta inscribi na Camara di Comercio.

Diabierna awor 8 di juni lo tuma lugar un merdia di informacion pa 2or di merdia caminda interesadonan por bin

pa wak e espacio y cu oportunidad pa haci pregunta.

Dia 15 di juni lo tuma lugar un destaho publico pa 10or di mainta na MFA Savaneta.

Pa mas informacion yama MFA Savaneta na 281-0010.

Lincoln “Dello” Gomez apunta como Presidente di Directiva di Digicel Aruba

A apunta Lincoln D. “Dello” como Presidente di Directiva di Digicel Aruba. E no ta un hende straño den Digicel, pasobra Gomez tabata instrumental den establecimiento di e operacionnan di Digicel na Aruba, trahando hunto cu e fundador y Presidente di Digicel Group, esta Denis O’Brien. El a keda cu e grupo pa 7 año largo den su capacidad di Managing Director y como miembro di e Junta di Supervision.

Dello Gomez ta un partner y abogado n’e bufete ‘Gomez Coffie’ y e ta practicando abogacia desde año 1998. Su practica principal ta enfoca riba leynan corporativo di Aruba, leynan di energia, di telecomunicacion, propiedadnan intelectual y den atende casonan civil.

Prome cu esey el a traha como abogado specialisa den financiamiento di proyectonan, den area di hospitalidad y area di aviacion.

Gomez a fungi entre 1995 pa 1997 como Consehero di Minister di Husticia y Obran Publico di Aruba.

Dello Gomez ta conoci pa su talento pa logra un solucion creativo den retonan legal complica. “E nombramento como Presidente di Directiva di Digicel Aruba ta un berdadero honor.

Mi tabatin e privilegio di mira e compania crece, tanto di cerca como di leu, desde su prome dia te cu awe y mi mester bisa di ta masha orguyoso di e direccion cu e ta bayendo aden.

Trahandu cu talentonan local y cu conocimiento di e mercado ta masha importante pa un compania global asina y mi ta convenci cu lo mi por contribui den forma positivo den e desaroyonan continuo di e compania, manteniendo clientenan y nos comunidad na prome lugar den tur locual nos haci”, asina Dello Gomez a duna di conoce.

Alexander Matuschka, kende t’e CEO di Digicel Group, a comenta cu “Lincoln a traha hopi año pa Digicel y p’esey nos ta kere cu ningun otro hende conoce e operacion na Aruba mes bon cune. E ta conoci pa ta posee un standard halto den excelencia cu e ta aplica unda cu e bay y nos ta sperando riba esey tambe awor cu su regreso den Digicel.

Nos ta contento di tin’e entre nos den Directiva den e capacidad nobo aki y nos ta yam’e bon bini na cas”.

Dello Gomez a cuminsa su carera academico studiando biokimica na Saint Leo University na Florida. Despues a studia ley na Universidad di Aruba y tambe a studia “International Tax & Financial Services” na San Diego, USA. E tabata Presidente di Orden di Abogado di Aruba y tabata un di e miembronan cu a funda e “Dutch Chamber of Commerce” na Miami.

Actualmente e ta Presidente di Directiva di Fundacion Museo Arubano (FMA), cu ta responsabel pa opera 4 museo na Aruba.



En conexion cu Dia Mundial di Medio Ambiente

Riu Palace Aruba y Riu Palace Antillas ta lucha contaminacion di plastic

E AÑA aki Nacionnan Uni tin nan campaña pa un dia sin contaminacion pa plastic y dia 5 di Juni ta "Dia Mundial di Medio Ambiente". Tur hotel di RIU rond mundo ta participa den e campaña aki, apoyando e causa internacional. Colaboracion cu e evento aki ta cumpli cu varios rekisito di e certificacion Travelife.

Riu Palace Aruba y Riu Palace Antillas a conscientisa su huespednan p'e uzo responsabel di productonan di plastic. E hotelnan hunto cu boluntarionan a haci limpi desde e edificio di Strandpolitie te cu De Palm Pier. E actividadnan aki ta constitui na un manera excelente cu hendenan por ta testigo di e magnitud di plastic y asina aki nan por pensa bek riba nan comportacion.

Gerencia di ambos hotel a participa na e limpieza, cu yudansa di turistanan y empleadonan di Riu Palace Aruba y Riu Palace Antillas. Durante e limpieza nan a piki varios sushi banda di lama y palapanan. Hopi turista di otro hotelnan tabata a acerca y asina tabata interactua cu esunnan di RIU Hotel.

Tur hende a pasa un rato agradabel y e gerencia a gradici tur esunnan cu a participa na e limpieza relaciona cu Dia Mundial di Medio Ambiente.

RIU Hotels & Resorts a habri Riu Palace Aruba na aña 2007. Debi na e gran exito di su prome hotel na Aruba, e compania a dicidi di adkiri un di dos hotel, habriendo Riu Palace Antillas na aña 2014. Hunto e dos hotelnan aki ta maneha mas o menos 25 mil huesped pa luna, cu un nivel di grado di ocupacion mas halto riba nos isla. Entre e dos hotelnan RIU na Aruba, nan ta emplea riba 800 trahado, brindando huespednan e miho nivel di servicio.



Aruba Bank presente na 'E-Aruba Business Seminar'

DIASABRA awor dia 9 di juni ta tuma lugar e di 3 edicion di "E-Aruba Business Seminar" na Renaissance Convention Center. E seminario ta organisa pa Infinity Media Aruba y The Lab hunto cu Aruba Bank. E concepto di E-Aruba Seminar ta popular y e oradornan internacional lo duna varios charla riba topiconan relevante n'esnan cu ta den comercio of cu lo kier bay cuminsa pronto.

E seminario lo conta cu oradornan cu lo comparti e ultimo tendencianan mundial. Miri Rodriguez di MICROSOFT lo comparti su experticio den e mercadeo digital y e mihor forma pa trece un mensahe comercial dilanti. E compania UBER tambe lo ta presente y representa pa Mario Vinasco, Marketing Manager Data Analytics, cu lo trata e topico di ultimo desaroyonan den mundo di mercadeo y cu enfasis riba "Augmented Reality". Lo conta cu presencia di e autor di e famoso buki "Facebook for Dummies", esta Andrea Vahl. Tambe lo tin orador y panelistanan local cu lo trece e toke local.

Na aña 2014, Mark Benson Denz,



Director di Infinity Media Aruba, a cuminsa cu e proyecto aki y e acogida un biaha mas ta grandi. E aña aki Infinity Media Aruba a uni forza cu Diederik Kemmerling di The Lab Agency pa produci un otro evento exitoso.

Aruba Bank t'e partner principal y a mira e importancia di un evento cu ta duna comunidad e hermentnan pa crea

mas exito.

Pa Aruba Bank ta importante pa duna e aporte y pa ta presente pa por yuda Startups den nan fasenan comercial.

E ekipo di Aruba Bank ta cla y ta invita bo pa forma parti di e evento aki. Pa mas informacion por bishita <https://www.e-aruba.com/>.

Curazon Grandi ta gradici



Nos Grandinan di Savaneta a celebra nan Dia di Mama cu un tremendo fiesta, y a estrena nan T Shirt di Curazon di

Savaneta pa pueblo di Aruba weita. Un danki ta bay na nan dos sponsernan sr. Eduardo de Veer di Meta Corp. y tambe na Cristal Casino p'e bunita T

Shirt cu su curazon grandi riba dje Hopi danki di grupo Curazon di Savaneta.

Awe ta desvela Caya Alphonso “Buchi” Boekhoudt y Caya Harrie Theodomiño Bareño

MINISTER di Infraestructura y Medio Ambiente Otmar Oduber tin e grato honor pa desvela number di dos caya, Caya Alphonso “Buchi” Boekhoudt cual t’e caminda for di rotonde di Paradera pa Bright Bakery y Caya Harrie Theodomiño Bareño cu ta e caya for di Bright Bakery te na Sta. Cruz.

Na 2016 Minister Otmar Oduber como yiu di e barío a anuncia

cu lo nombra e cayan na Paradera y Piedra Plat n’e number di e 2 icono nan aki, esta sr. Alphonso “Buchi” Boekhoudt y sr. Harrie Theodomiño Bareño.

Aworaki Minister Oduber como Minister encarga cu Infraestructura y Gabinete Wever – Croes, ta contento cu esaki ta bira realidad.

Señor Alphonso “Buchi” Boekhoudt no

ta un desconoci den nos comunidad riba tereno musical. Di su 11 aña di edad señor Boekhoudt tabatin interes pa musica, el a cuminsa cu gitara, despues el a sigui pa steel-pan, unda el a traha steel-pan pa diferente persona y tabata traha esaki di curason.

Riba un dia cu e tabata stem bari, e tabata recorda cu señor Rufo Wever cu a pone piesa pa Caha di Orgel, no tey mas, ta ken lo sigui pone piesa y mantene e cultura di Caha di Orgel?

For di e momento aki sr. Boekhoudt a haya interes pa Caha di Orgel. Su propio tata cu tambe yama Alfonso Boekhoudt, tabatin un Caha di Orgel cu yama ‘El diablito prufiado’ cu tabata tin 9 piesa.

Sr. Harrie Bareño tabata un comerciante cu a aporta hopi n’e barío di Piedra Plat, creando entre otro trabou pa hopi ciudadano di e barío. Sr. Bareño Señor a haya e chens tempo e tabata traha na Lago pa a bay un aprendiz di bakker na Corsou p’asina e bin traha den e bakkerij di Lago. Despues cu Lago a stop su Bakkerij, sr. Bareño a bay traha na Rainbow Bakery na San Nicolas pa un temporada.

Dor cu transporte e temporada ey tabata dificil pa bay San Nicolas, sr. Bareño a




dicidi di bay traha na Panaderia Central na Playa.

Na 1947 sr. Harrie Bareño a cuminsa cu su mesun shap y liquor shop, pero como cu su suegro tabatin cria di bestia, el a dicidi di cuminsa cu un carniceria tambe, considerando e trabou aki cu por ta peligroso, sr. Bareño a cuminsa cu su mesun panaderia parti patras di su cas. Despues di un kebrante di salud sr. Bareño a habri Baby

Bakery, pero el a huir e panaderia. Ora el a tum’e bek, el a dun’e e number Bright Bakery cu nos conoce awe ainda.

Gobierno di Aruba ta extende invitacion na comunidad en general, specialmente habitantenan den becindario pa asisti e desvelo cu lo tuma lugar awe dia 6 di juni di 4:30pm pa 6:00pm na rotonde di Piedra Plat.



Parlamentario Sue-Ann Ras:

“Si bo kier cuestiona Parlamento, haci’e di e forma corecto si!”

“**SI** un hende (un Parlamentario) kier cuestiona trabou di un Parlamentario, e mester haci’e di e forma corecto si. E Parlamentarionan mester tin e derecho di por vocifera nan opinion tur tema cu ta rekeri atencion publico. Te hasta si ta trata riba e propio comportacion di Parlamentario den Parlamento”, asina Parlamentario Sue-Ann Ras (MEP) ta opina y a referi aki tambe na e.o. un articulo recién di colega Parlamentario di oposicion Michael Lampe.

E articulo di Lampe ta adresa e rol di e Parlamentarionan di oposicion y cuestionando nos Prome Minister Evelyn Wever Croes su vision y meta di tin un Parlamento nobo. “Mi ta contento di por mira un desaroyo positivo di mi colega di fraccion di oposicion (Michael) Lampe y cu e ta haya oportunidad di vocifera su opinion, cos cu sigur no tabata pasa antes cu su coleganan durante e maneho irresponsabel y deficiente di Gobierno Eman I y II”, Ras a bisa.

E ta referi n’e periodo unda cu Parlamento tabata complice di tur e desaster social, educacional, cultural, criminal y financiero di nos pais. Segun Sue Ann Ras, como Parlamentario, bo tin e tarea importante pa representa bo pueblo y mas cu claro, ta critico

y analitico unda mester, pa por coregi y conduci Gobierno den un bon maneho.

Hisamento di nivel den Parlamento ta birando un realidad, mirando cu nos propio Prome Minister Wever Croes ta duna nos espacio pa ta critico y vocifera nos mal contento. No manera tabata e caso di e ex Prome Minister Eman, cu tabata maneha y manipula pueblo completo cu mentira, corrupcion y falta di liderazgo, pa asumi e funcion como lider maximo di su pais”, Ras a bisa.

En bes Eman a continua cu su locura di inverti den e proyectonan PPP y crea un debe cu e mes a grita den bos halto, di ta orguyoso di dje y cu e lo paga. Na momento cu e Gobierno actual a drenta, no por lubida cu ta e ora numa, tur e puyitonan a cuminsa sali for di macuto. Un mal maneho durante 8 aña, cu sosten di e Parlamento anterior cu no tabatin e curashi y determinacion pa asumi nan rol como representante di pueblo pa cuestiona tur e gastamento di placa den e proyectonan PPP.

Proyectonan cu na final di dia ta costa pais Aruba alrededor di 80 milyon y cu un periodo di pago di 20 aña. Aki ta unda cu e Parlamento e tempo ey mester tabatin e curashi pa



haci pregunta y exige e ex Ministernan e contestanan realistico y hopi documento, pa tin garantia y controla loke ta pasando cu placa di pueblo.”

Ta cuestionabel, segun Sue Ann Ras, con un Parlamentario cu a demonstra un silencio total durante varios reunion publico, mientras esey tabata bo momento pa vocifera bo preocupacion- y preguntanan.

“No ora cu algo a pasa caba, anto e ora bo ta opta pa bay den media y sconde tras di pen”, Ras a sigui bisa. E cambio den Parlamento a cuminsa, na momento cu fraccion di MEP, a entrega 2 ley, cu pa hopi aña tabata un topico iritante, desafiante y preocupante, esta e ley di screen e Ministernan y tambe financiamiento di partido politico.

“Nos tin un rol proactivo y uno cu

realmente ta para pa bienestar di su pueblo”, Ras a bisa. El a haya ta bon pa recorda su colega Lampe, cu e implementacion di aumento di impuesto di crisis, ta un resultado directo di e accionnan descabeya y fuera di control, haci pa su propio Gobierno, Sue Ann Ras a sigui bisa. “Y no manera cu Lampe ta pretende”, e Parlamentario di MEP a finalisa bisando.

DEA a tene encuentronan cu cabesantenan di SKOA y DPS tocante SAM

MINISTER di Enseñansa, Rudy Lampe recientemente a anuncia e plan di implementacion di Scol Multilingual den tur scol preparatorio y basico na Aruba. E implementacion aki lo bay segun 4 fase cu ta orientacion, preparacion, ehecucion y mehoracion.

Encuanto e implementacion aki, Departamento di Enseñansa Aruba (DEA) su seccion Guia (Begeleiding) a organisa varios presentacion na directiva di scolnan di Aruba. Despues di e presentacionnan aki a surgi varios pregunta for di “veld” tocante e




implementacion ariba menciona. Basa riba e preguntanan cu a surgi directiva SKOA (Stichting Katholiek Onderwijs Aruba) y DPS (Dienst Publieke Scholen) a start cu encuentronan informativo cu su cabesantenan.

Na dicho encuentronan a trata varios topico e.o.: E resultado desea pa cu e cambio; ki tipo di alumno kier logra na final di scol basico; con e implementacion ta hinca den otro (e 4 fasenan, nan enfoke y meta, e sosten di parti di directiva, incluso e scolnan piloto, Departamento di Enseñansa y IPA, e contenido di curiculo, e pedagogia y didactica nobo y e liderasgo necesario). E cabesantenan tabatin e oportunidad pa haci varios pregunta y alabes nan a logra haya hopi contesta riba nan preguntanan.

Entre e preguntanan cu a surgi tabatin pregunta tocante e material, personal, e experiencia di e piloto SML, e curiculo, e pedagogia y didactica nobo y e profesionalisacion. Encuentronan asina aki ta hopi importante pa cu un implementacion asina grandi. Encuentronan asina ta trece varios informacion dilanti pa aclarea cualkier inquietud cu por tin y alabes por yuda compronde e cambio mihor y traha hunto p’e inovacion ta uno exitoso.

Departamento di Enseñansa Aruba (DEA) kier tuma e oportunidad aki pa yama danki na SKOA y DPS pa nan sosten. Pa mas informacion por acudi n’e website di DEA [www.ea.aw] y por sigui e desaroyonan atraves di facebook page @educationaruba.

<div>BANCO DI CARIBE</div> <div>OFFICIËLE KOERSEN TEN OPZICHTE VAN DE ARUBAANSE FLORIN GELDIG OP 5 Jun, 2018 EN TOT NADER ORDER</div>					
valuta		aankoop van publiek			verkoop aan
		bankpapier	wissels, CHQ's reischeques en overboekingen		publiek
Ned. Antil. Gulden	ANG	98.00	100.00	biljetten	100.20
Per ANG 100				chq./overboeking	100.00
Amerikaanse dollar	USD	1.77	1.78		1.80
Canadese dollar	CAD	1.35	1.37		1.39
Zwitserse frank (per 100)	CHF	180.37	181.09		181.89
Pond sterling	GBP	2.31	2.36		2.42
Japanse yen (per 10.000)	JPY	160.88	162.35		163.98
EURO (per 100)	EUR	206.06	207.94		210.03
Deense kroon (per 100)	DKK	26.96	27.68		28.48
Noorse kroon (per 100)	NOK	20.88	21.60		22.40
Zweedse kroon (per 100)	SEK	19.27	19.99		20.79

Segun MEP

Jaloezie debi na tur e logronan di nos Minister Presidente a pone cu sra. Wyatt-Ras a cuminsa papia tur bruha

ORA cu bo lesa e titulo di e comunicado di sra. Mervin Wyatt-Ras, esta cu “Minister President a gaña pueblo di Aruba”, di biaha bo ta pensa cu e Parlamentario aki mester ta referi n’e lider di AVP, Mike Eman, ya cu tur hende na Aruba y rond mundo ta na altura caba con mentiroso sr. Eman tabata durante su gobernacion. Un y tur por corda ainda con e.o. el a gaña henter un pueblo cu e lo elimina BBO ‘from day one’ ora cu e drenta Gobierno, cu e lo habri e refineria atrobe, cu e lo regala tur mucha di scol un laptop, cu e lo baha prijs di awa, coriente y gasolin, cu e lo introduci moratorio pa construccion di hotelnan etc., segun MEP den un comunicado.

C O M P L I C E DI DESASTER FINANCIERO
Pero den e caso aki sra. Wyatt-Ras ta sigui e mal ehempel di su lider bisando cu Premier Evelyn Wever-Croes a bay Hulanda pa logra haya 4 aña pa por cumpli cu e normanan di CAft, pero cu ta 2 aña so supuestamente e lo haya pa logra esaki. Hecho ta cu e Parlamentario aki mester tin berguensa pa haci un declaracion asina contra nos Prome Minister Evelyn

Wever-Croes, ya cu sra. Wyatt-Ras mes tabata complice di e desaster financiero cu su partido AVP a hinca nos pais aden.

Hecho ta cu den e situacion di e desaster financiero aki no ta rekeri 2 ni 4 aña pa logra cumpli cu e normanan di CAft, mirando con Gabinete Eman a gaña henter Reino Hulandes y CAft cu nan lo yega na un deficit di 25 miyon florin na 2017 y un surplus di 25 miyon florin na 2018. Sinembargo tur hende incluyendo sra. Wyatt-Ras por a mira kico tabata e resultado desastroso di nos finansa publico realisa den 8 aña di tempo. Danki na Gabinete Mike Eman cu e Parlamentario aki a sostene ciegameente nos pais a ser confronta cu un deficit di 155 miyon florin na 2017 y un otro deficit den concepto di 275 miyon florin na 2018.

DEFICIT 2017 DI 155 MIYON FLORIN
No mester lubida kico CAft a trece padilanti den su carta di 11 di mei 2018, relaciona cu e Consejo riba e presupuesto 2018. Den e carta aki un y tur por haya un bista con halto e deficit financiero pa 2017 a resulta y cual deficit ta cay completamente pa responsabilidad di

Land Aruba (in AWG mln.)	BW 2017	OB 2018	B 2018
Exploitatier rekening			
Middelen	1.250	1.284	1.330
Kosten	1.403	1.404	1.425
Tekort	153	120	94
Kapitaaldienst			
Middelen excl. Leningen	45	33	33
Uitgaven excl. Aflossingen	46	104	89
Tekort	2	71	56
Financieringstekort	155	191	150

Gobierno di AVP. Den un forma cla y raspa CAFT a conclui cu e deficit 2017 a yega te na -155 miyon florin! Den e suma aki ta inclui tambe e fiesta riba e brug celebrando cumpleaños di Mike Eman y pa cual pueblo a paga mas di 140 mil florin, di acuerdo cu MEP.

Sra. Mervin Wyatt-Ras tambe tabata presente n’e fiesta aki, pero awe ta come lubida con e tambe a djodjo riba custia di pueblo. E adagio di AVP semper ta: Nos ta gosa y pueblo ta paga!

SURPLUS NA 2020
Ora cu sra. Wyatt-Ras ta papia di e cantidad di añanan cu Minister President Evelyn Wever-Croes no a logra haya for di Hulanda pa por cumpli cu e normanan di CAft, e Parlamentario aki mester ta hopi bruha, ya cu Hulanda a duna

pais Aruba te cu aña 2020 e oportunidad pa logra yega na un presupuesto balansa. Y no tin duda cu tur e deficitnan di 2017 y 2018 ta danki n’e maneho desastroso cu a ser hiba pa Gabinete Eman. Y na aña 2020 bao di Gabinete Wever-Croes nos pais lo bay conoce un surplus atrobe.

Pues a tuma e Gobierno actual di MEP-POR-RED hopi curashi y sabiduria pa logra tog na reduci e ultimo deficit 2018 laga atras pa Gabinete Eman, di un suma di 275 miyon florin te cu 150 miyon florin y e reduccionnan aki lo continua tambe den e añanan benidero.

WYATT-RAS CU HOPI RABIA Y ZELOS
Sindudacuehazañaaki di reduci e deficit 2018 cu 125 miyon florin, tambe e declaracion di Secretario di Estado

Raymond Knops cu durante gobernacion di AVP e debe di Aruba a ser redobla di 40% pa rond di 90% y finalmente e elogio cu Secretario di Estado Knops a duna Prome Minister Evelyn Wever-Croes siman pasa bisando cu e cooperacion cu nos Premier ta excelente, tur esaki no a cay den bon tera cerca sra. Wyatt-Ras y naturalmente rabia y zelos a dal su curpa p’e por scirbi tanto disparate asina.

Ta p’esey partido MEP ta suplica sra. Wyatt-Ras pa kita su paña di combate, laga e zelos un banda, para na banda y wak con e Gobierno aki lo pone e situacion financiero den un estado manehabel atrobe. Scirbiendo y papiando disparate tur biaha no ta yuda nos pais na nada, segun MEP.

Bon dia yen di alegriaaaa !!!!

Scirbi pa Ruthy "Lady Ruth" Vrieswijk-Bergen



TUR Hi Tea Party ta diferente. Pa cuminsa, e dushi ambiente crea meymey di hendenan cu a bin pa un dushi momento social di comparticion. Cu hopi sorto di te, combina cu dushi pasa boca, sandwich, bolo etc..

Y ta den un super dushi ambiente nos celebra bida cu e simpatico y dinamico sra. Ellen Rosina cu su mesun bunita experiencianan den bida, y kende a biba pa un tempo na Corsou, St. Maarten, Hulanda y awor bek pa Corsou.

Ellen ta papia di cosnan real den bida y ta toca e curazonnan cu su bunita storia y testimonio. Su trabao di yuda forma y educa nos hobennan problematico. Su fundacion Formed-Ed. diadomingo di dia 3 di juni no por wordo facilmente lubida. Nos a topa cu casi 80 dama y entre nan algun cabayero cu a bin comparti bebiendo un kopi te of dushi juice di lamoenchi of fruitpunch entre otro.

Hopi bunita pa wak henter e grupo bisti cu nan bunita sombre. Bo ta sintibo na un otro parti. E musica tabata den man di e profesional cu curazon, nos gran amigo di Dakota tur dia, e artista y e talentoso y simpatico Amado Rosina, un primo di Ellen.

Lady Ruth a haya e oportunidad pa a canta dos cantica, aunke el a bay pa recita poema, riba invitacion di Ellen. Un sra. hoben adulto Jo-Ann, a duna su testimonio con el a pasa den su ups and downs pero a recupera y triunfa cu bon salud.

Tur esaki, alabando Dios di Amor, Creador di nos bida, nos salvacion. Ellen mes a cita varios sucedido real y e mes a recita algun bunita poema tambe.

Un dushi y interesante quiz a wordo hinca den otro cu 15 pregunta hopi informativo y educativo, pone nos pensa, bay bek den nos time tunnel. Bo ta siña atrobe algun cos cu ya bo a lubida.

Un otro señora tambe a canta dos cantica y e grupo Danza Aruba a baila algun baile cu nan bistir elegante den e color di e bandera di Aruba cu a cay na masha bon tera serca e publico presente. Nan a habri nan presentacion cu e bunita pieza "Abo so" canta pa Padu Lampe mes, y nan a baile hopi elegante.

Un danki di curazon na lieve Oma Laura, e ruman di Ellen, cu hunto cu su team a haci mayoria parti di e setup di e bunita mesanan cu cos dushi ariba nan,

y algo hopi special, e "te potjesnan" cu Ellen a trece for di Corsou y Hulanda, pasobra esaki ta su di 8 Hi Tea Party cu e ta organisa y ofrece pa inspira tur rond di dje cu su positivismo y alegria!

Lady Ruth tabatin e bendicion di por a participa na varios Hi Tea Party tanto na Hulanda como aki mes na Aruba, pero esaki t'e prome Hi Tea Party asina dushi anima. El a encanta di a topa cu amiganan rumannan den Cristo di hopi añanan pasa, tempo e tabata bay Zondagschool na Iglesia Evangelica.

Aunke na otro mesa sinta, tabata hopi leuk pa a topa cu entre nan sra. Eda Kock y hermanas Kock -tur cu nan sombre elegante y bunita! Margot Bennett y Wia Rosina y su casa entre otro. Tambe sisters Craigg. Aruba ta nos dushi isla chikito den tamaño, pero grandi di curazon!

Y ta cu su curazon grandi bunita yen di bondad, sra Ellen Rosina a ofrece su charla, su dichonan, su poemanan den Frank Coway Room di Casa del Mar. Y tur hende por a bay cas contento y satisfecho, cu hopi gradicimento na curazon pa un Hi Tea Party asina dushi.

Danki na tur cu a duna un man den un of otro forma pa a yuda realisa e actividad dushi aki. Danki lieve Ellen, tabata un placer y honor di por a recita, canta y participa na bo di 8 Hi Tea Party. Exito cu tur e otronan cu lo sigui!!! You are the blessing !!!!

Xpresa bo mes

Señor Valdez bon bini n'e mundo di realidad

Pa: R. Smit
Santa Martha 8

YA ta algún tempo cu constantemente por tende señor Ivo Valdez ta reclama cierto cos riba AZV y trato medico discriminatorio cu según e tin derecho riba dje.

Wel señor Valdez bon bini n'e mundo berdadero manera e ta, cu abo nunca lo tabata sa di dje con bo a disfruta di e descriminacion publico aki djis pa beneficianan propio di esnan cu a impone e ley di AZV.

Bo ta cuminsa na reclama cu Hospital no tin klasse verschil mas, kizás señor Valdez a lubida caba den 18 año kico tabata e meta pakico a pusha e pueblo cu AZV?

Tur esnan cu tabatin nan aseguro medico particular a wordo kita for di nan p'asina elimina e descriminacion cu tabata existi según e politiconan e tempo ey.

Wel ora cu a introduci AZV na año 2000 a core inclui e parti, caminda ora cu a realisa cu esnan cu a hinca e ley den otro, cu anan tambe ta cay bou di esaki, pa duna e ambtenaar na un prijs di baca flaco tur su beneficianan extra riba loke AZV ta duna.

Esnan cu a perde nan aseguro particular e tempo ey no por a haci uso areglo aki tampoco, locual cu tabata y ainda ta un descriminacion den e ley.

Loke señor Ivo Valdez no ta of no kier realisa, ta cu pa 18 año el a goza di un descriminacion den e ley di AZV caminda cu e pagando e tempo ey 2% (awor 1.6%) y un extra 1% p'e por a keda cu su privilegionan y asina discrimina tur esnan cu perde nan privilegio cu nan mes tabata paga pe dor di e introducción di e ley di AZV.

Semper tur esnan cu tin un asina yama vrije beroep y pensionadonan a paga full e prima di AZV dus no e 2% so sino full e 10.9%. cu abo no tabata sinti den bo cartera.

Anto 18 año largo tur esnan cu tin un vrije beroep y pensionadonan mester a paga for di nan propio saco pa por a haya e extra beneficianan cu abo y henter bo famia tabata haya p'e 1% extra cu bo tabata paga.

Awor cu Hospital porfin a bin realisa locual a wordo bisa y priminti 18 año pasa cu tur paciente ta igual y no tin descriminacion, awor abo kier bin protesta cu esaki no por.

Y cu pasobra awor cu bo a bira pensionado y lo mester aporta e mesun prima cu tur e otro nan ta aportando caba pa 18 año largo y si den Hospital kier a drumi 2 klasse mester a paga extra riba esaki na un tarifa bastante halto pa dia.

Pues señor Ivo Valdez mihor cos cu bo por bay haci y usa bo tempo na dje ta na lugar di sinta yora manera un mucha chiquito y exigi cu descriminacion mester sigui pasobra según abo na Aruba tin dos tipo di ciudadano, esta e pueblo y ambtenaar, mientras cu AZV a wordo introduci na año 2000 pa elimina e descriminacion den cuida medico, mihor bo bay cuminsa realisa cuanto extra abo y bo famia tabata beneficia di dje dor di e descriminacion den ley cu solamente un ambtenaar por a aporta 1% di su entrada y keda cu tur beneficio nan cu e tabatin.

Bo ta realisa cuanto e extranan aki ta costa y cu si e 1% AKI TA CUBRI TUR ESAKI?

Mi ta kere ya cu ta papia di medida y gastonan halto di Gobierno lo ta bon pa cuminsa busca pa sa e gastonan berdadero riba e extranan aki cu no ta cay bou di AZV normal ta wordo cubri dor di e aporte cu bo tabata paga y ta reclama cu bo ta paga pe.

Mi ta kere cu e ora otro gay lo bay canta pasobra pakico nunca no ta wordo publica cu si e 1% aki ta yega pa cubri tur e gastonan extra cu ta wordo duna y pa ahusta esaki?

Of kizás e diferencia aki tambe ta bay den e landsbijdrage cu ta sali for di e saco di pueblo tambe?

Señor Valdez bo ta realisa cuanto dolor bo ta causa cu bo exigencianan infunda y contra ley p'asina sigui cu descrimincion publico?

Esaki ta con un ex educador tin di bin demostra con leu e ta biba di e realidad di bida cu e no ta altanto di dje of no kier realisa esaki?.

Señor Valdez mi ta contento cu awor abo tambe por sinti loke otro nan a sinti y ta sintiendo te dia di awe 18 año largo caba. Bon bini n'e mundo di realidad.



Deporte

Dakota tin speranza ainda den Play-



DAKOTA enfrentando Britannia den un wega di suma importancia pa su sobrevivencia den e Play-Off 2017-2018. Britannia tin un punto den dos wega, mientras cu Dakota no tin punto ainda den e Play-Off aki. Un empate lo no ta di mucho ayudo, ya cu e dos ekiponan den top di tabla tin 7 y 6 punto caba cu e di dos rond den cuminsa e siman aki. E wega tabata hopi pareu for di cuminsamento, pero niun di dos ekipo tabata forma atakenan sostenibel, no tabatin hopi yegada di claridad ni dominio di bala di ningun di dos.

P'e prome 20 minuut e wega tabata wordo hunga mas tanto den medio-campo unda e dos ekiponan tabata perde e bala hopi lihe.

Na minuut 22 Dakota tabatin un atake significativo ora cu Ricky Hodge a haci un sprint cu bala riba e hala drechi pa despues haci un bon pase pa Ferencand Sophia, pero e bala a desvia un tiki pa scapa for di Sophia, cu sigur sigur lo tabatin hopi chens di anota, mirando cu e lo tabata su so dilanti e porteria di Britannia.

Despues Hodge a bolbe haci mesun atake un tres minuut despues riba hala drechi pa despues crusa pa Albert Francis cu sorprendentemente a posiciona su mes den off-side, cu gol habri, un lapso di concentracion eyan di Francis cu a costa Dakota un gol pa bay ariba.

Gana tabatin di ambos banda, ta precision tabata falta. Asina tambe halftime a bay aden cu e marcacion 0-0.

Manera cu e di dos tempo a cuminsa por a realisa cu e wega a cambia un poco, ta logico, pasobra ambos ekipo mester gana pa drenta den contencion di e Play-Off aki, esey ta forza nan pa sali busca gol, e hungadonan a cuminsa haci nan mes liber, wega a cuminsa habri, chensnan di gol di calidad a cuminsa yega.

Dakota a cuminsa haci mas pressing ariba tambe, purbando di desekilibra Britannia, tratando di crea chens.

Dakota alfin a logra crea e chens pa anota e prome gol di wega na minuut 69 unda cu un penetracion di Oehlers mes y un tiro cu a rebota riba un defensa a bay cay riba pia di Hodge



Deporte



Play-Off despues di a gana Britannia 2-0



Awe den Time Out nos lo bai tin Glennon Rights y Giannon Eights den Time Out Nan ko elabora riba e preoarashon cu Giannon ta den preparando pa eventonan grandi No perde



na banda robes den area penal na careda ta manda un tiro potente pa bora e net di Britannia pa haci e wega 1-0 pa e Abehanan. Apesar cu di pronto Dakota cu bentaha y mas dominio, y mas yegadanan di peligro, asina mes Britannia a haya un chens di oro pa empata e wega aki, na minuut 82 despues di un penetracion efectivo di Coco Estrada riba hala drechi y un cruce manera ta cu man riba cabes di Derwin Donato cu a haci tur cos corecto, pero e bala a gewoon 'spin' bay na banda di gol.

Wega a bira hopi bon mes den e ultimo minuutnan, pero ta Dakota a bolbe anota ora cu na minuut 85 den un penetracion den area penal di Sherman Monticeuex na banda drechi y un pase cortico pa Keannu Maduro cu ta los un tiro violento cu Dania ta saca cu su pia, pero ta rebota afo na banda robes riba pia di Ricky Hodge cu tabata penetrando pa anota e gol pa caba cu e speranza di Britannia, Dakota ariba 2-0. E salida di Sanyica Godoy na minuut 87 pa via di su di dos carchi geel a caba di saca e ultimo aire di e Pumanan.

Dakota a gana bon, den un wega cu a bin ta mehora, cu bon deportivismo, y hopi bon trabou di referee e anochi aki. E victoria di Dakota a bin na un momento crucial pa nan prome tres puntonan, ya cu nan tabata kedando pafo di e Play-Off sin punto, pero awor por respira cu mas speranza pa cu nan chensnan di bay final cu ainda ta na bida.

Britannia a keda cu un punto so, y mester gana Estrella den nan siguiente wega di Play-Off pa sigui cu chens pa bay final.

'Man of the Match' tabata sin duda Ricky Hodge, pa su labor cu bala y sin bala, e catalyst di e 'Amarillonan' diadomingo anochi, hunto cu Leroy Oehlers cu tambe merece.



Aruba Growth Fund ta amplia riba e careda di KLM Aruba Marathon



E grupo mas grandi den e prome edicion di KLM Aruba Marathon, Half Marathon, 10k y 5k, cu a tuma lugar e marduga di diadomingo 3 di juni ultimo, cu a inicia y finalisa na Palm Beach, a pertenece na Aruba Growth Fund. E grupo a consisti di 170 colega, participando den cada categoria y poniendo resultadonan impresionante.

Aruba Growth Fund, estableci riba nos isla na 2012, t'e prome fondo di capital priva di Aruba y a ricibi su financiamiento inicial di fondonan di pensioen di Aruba, loke ta splica nan slogan riba nan t-shirts e dia di careda: "On the run, Aruba Growth Fund, owned by more than 20.000 Arubans".

Cu e iniciativa aki, AGF tabata desea di promove e importancia di un estilo di bida saludabel entre e miembronan di su ekipo.

AGF ta doño di y ta opera Hilton Aruba Caribbean Resort & Casino, como tambe Op=Op Voordeelshop, Botica di Servicio, Laboratorio di Servicio y Kosmetikos.

Riba potretnan por mira participantenan di tur e companianan, n'e cruze final riba dia di e careda, disfrutando di e escenario unico na final di e evento deportivo satisfactorio, cu canador y corendonan di tur parti mundo.



Buscando documento....

Werner Wiels a kima funcionarionan cu a tene entrada hudicial na su cas

WILLEMSTAD - Durante e rueda di prensa cu e dirigente di MDPT, señor Werner Wiels a duna e kier a contrarestá diferente expresion cu a keda haci rond di su persona den medionan di prensa cu ta tacha su bon nòmber y integridad.

E rueda di prensa aki a tuma lugar 4 di juni ultimo na MITS cu t'e oficina caminda ántes MDPT tabata tene oficina, pero cu entre tanto ta pará bashí.

Señor Wiels a referí principalmente n'e hecho cu autoridadnan a drenta su cas pa busca documentonan cu lo ta pèrtenecé y cu ta resultado di e trabou cu el a traha na nòmber di Gobièrno como dirigente di MDPT.

Pero e redadanan tené den su cas, segun sr. Wiels no tabata na nodi, pasobra el a entregá tur informacion y/of documentu n'esnan conserní como consecuencia di su retiro dia 16 di juni 2017.

El a bay laga tur dato di informacion di importancia atras den e oficina di MITS.

Segun señor Wiels durante su rueda di prensa pa clarificá e razon pa tene redada den su cas el a bay n'e fuente principal, esta SOAB cu a referí na un carta cu MDPT via nan secretaria a manda pe caminda a pidié pa bin haci entrega di documentonan.

GOBIERNO 'PAYASU'!

Señor Wiels a splica literalmente cu dia 16 di juni 2017 el a retirá, siendo e Gobièrno 'payasu' aki a nombra señor Christiaan na luna di juli 2017.

Mas aleu señor Wiels a splica cu señor Christiaan a haña cu e mester bin haci entrega serca dje, pero señor Wiels a rechasá esey, bisando cu el a haci entrega vários biaha caba, anto hunto cu Minister Presidènt Rhuggenaath caminda señor Christiaan mes tambe tabata presente den e team di Promé Minister.

Como tal señor Wiels a bisa cu e no ta bin pa haci ningun entrega, anto pakico e lo no bin.



Mas aleu señor Wiels a referí na un carta di oficina di abogado Asjes/Carrega cu el a sita tocante un pasashi cu despues no a presentá den e documento final tocante su cooperacion n'e investigashon.

Aki señor Wiels mesora a puntra cua corant cu a pon'é riba frontpage a reconocé cu a cometé un fayó? Cua tabatin e curashi pa coregí algo robes?

Redu, fantasia, mentira t'esey ta Còrsou, segun Werner Wiels pero unabes cu saca e informacionnan robes aki ningun hende no tin curashi pa coregí nan.

Dia 4 di decèmber sr. Wiels a manda un defensa di 14 página pa SOAB hunto cu esey cu 2.2 gigabite na file digital pa sostené su ponencianan.

A bisa cu e no kier cooperá, ata su cooperacion aki, señor Wiels a splica mas aleu. SOAB na su turno a saca e pasashi cu tabata contené originalmente e informe cu Wiels no kier cooperá afó, a reconocé di a haña e informacion, pero a bisa cu no a sinti e necesidad pa tuma e informacion aki over.

Aki señor Wiels a concluí cu a dañá su nòmber caba y no ta interesá pa coregí nada mas, anto aki ta mira e nivel mediocre di SOAB, segun Wiels.



Pa Còrsou e ta cancelá pero....

Tutela di Hulanda riba St. Maarten ta valido

WILLEMSTAD - Manera ta conocí, semper Gobièrnonan di paisnan Autónomo den Reino tabatin pánico pa Hulanda no decreta supervision of tutelahe riba nos gobernacionnan den cuadro di nan tarea y obligacion di ta responsabel pa bon gobernacion.

Fo'i prinsipio di e cambionan na 10-10-10 tabatin supervision bou di e titulo Areglo di Cooperacion entre Hulanda cu Corsou y Sint Maarten. (Aruba tabatin su mes areglo aparte cu Hulanda).

Ora un periodo di supervision cuminsa e ta dura dos aña. P.e. e ultimo periodo di supervision di Hulanda riba gobernacion di Corsou a caba na juli 2016, pero a prolongé pa dos aña principalmente, pasobra tabatin hopi cos robez den e cadena hudicial. E areglo yama oficialmente Algemene Maatregel van Rijksbestuur Samenwerkingsregeling pa garantisá cu tin plan pa drecha loke ta robez y caminda a regla cu den caso cu Corsou of Sint Maarten no por ehecutá un area manera debe ser, of no a ehecutá un plan denter di dos aña, ta prolonga e medida di supervision.

SINT MAARTEN

Pa motibo di e destruccion cu orcannan Irma y Maria a causa aña pasá na Sint Maarten, a haci un evaluacion di e plannan pa drecha tur cos riba tereno di cadena hudicial riba e isla.

Tin un comision cu ta monitor e desaroyonan aki debidamente y despues cu orcannan a pasa nan a evalua den ki condicion reorganizacion di Cuerpo Policial Sint Maarten y prison Pointe Blanche tabata.

E comision a indica den nan raportahe cu partinan importante di e cadena hudicial a haña gòlpi fuerte y cu no por a midi si tabatin avanse den ehecurion di e plannan pa drecha e cadena.

Sinembargo no por ignorá cu ehecurion di e plannan tanto pa Cuerpo Policial Sint Maarten como e prison riba e isla, ta puntonan esensial cu no por keda cla promé cu 10 october 2018.

Esey ta pone cu mester continua cu e supervision di Hulanda riba cadena hudicial na Sint Maarten.

CORSOU

Dia cu a prolonga e medida di supervision na 2016 a asumi cu e comision di supervision lo a raportá cu e plannan pa Cuerpo Policial Corsou lo tabata ehecutá caba y mesun cos lo a conta pa prison Bon Futuro.

E tempo aya a anunciá cu e areglo di cooperacion no ta valido mas pa Corsou si constatá cu a ehecutá tur plan.

Den nan raportahe di febrüari aña pasá e comision di supervision a consehá Hulanda pa anulá e medida di supervision, pasobra tanto Cuerpo Policial como Prison a completá e plannan.

Tambe cu nan a cumpli cu nan obligacion pa reorganisá nan organisacionnan respectivo.

Pe motibo e comision a stop di raporta for di juni aña pasá y no a haci mas trabou pa controlá progreso na Corsou riba e dos tere-nonan.

Javier Silvania di ABC Opleiding:

Si por a 'regla' debe di 17 mion pa Universidad, dicon no pa FEFFIK

WILLEMSTAD - Segun e director di ABC Opleiding, protesta di studiantenan a pone cu Minister di Educacion, Marilyn Alcalá-Wallé a pospone seramentu di Feffik te otro aviso.

Un di e argumentonan cu Minister ta usa pa sera Feffik t'e debe astronómico y Javier Silvania kier aportá cu algun dato ne debate nacional riba e tema.

NO TA FEFFIK SO TIN DEBE

Nos universidad nacional tambe tin debe astronómico di belasting/prima di seguro social y pensioen.

"Nos ta papia documentá cu rapòrt di BAB y jaarverslag di nos universidad nacional den nos poder", asina Javier Silvania, fundador di ABC Opleiding a

bisa.

Segun e rapòrt di BAB nos universidad nacional tin un debe di loonbelasting/AOV/AWW/AVBZ y omzetbelasting di fl. 828.323.

Nos universidad nacional ta paga Rector Magnificus Francis de Lanoy y otro trahadornan sin kita ningun depchi di loonbelasting.

Den e rapòrt di BAB por lesa cu universidad ta paga salario di fl. 6.600, fl. 10.500, fl. 15.348 y fl. 16.187,50 pa luna sin cumpli cu Ontvanger y APC.

Na pagina 19 di e relato anual por lesa cu nos universidad nacional tin un debe cuantioso na Algemeen Pensioenfonds Curaçao. Pa años no a paga APC e pri-

ma di pensioen.

Ta for di 10 aña pasá nos universidad nacional tin un debe total di fl. 17.051.575.

Na pagina 18 di e relato por lesa cu universidad a haci fianza na MCB y APC. Debenan cual universidad tin 30 aña pa paga bèk.

Den e montante mencioná no ta inclui e debe na PSB Bank cual Banco Central y PSB Bank pa stòp di duna fianza cu hopi risico na entre otro UoC.

Awor un trahador di PSB Bank ta riba non-actief pa motibo di iregularidad. Si por a regla entre Ministerio di Enseñansa y di Finansa pa scapa Universidad e pregunta ta.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Señor ta bo wardadó;
Señor ta bo sombra na bo man drechi.
Solo lo no fatigábo di dia, ni luna anochi.
Señor lo protehábo kontra tur maldat; E lo warda
bo alma.
Señor lo warda bo salida i bo entrada for di awor i
pa semper."
Salmo 121: 5-8

Cu inmenso tristesa den nos curason, pero
conforme cu boluntad di nos Señor Dios, gradici
pa tur cu el a hasi y significa pa nos, nos ta
participa fayecimento inesperadamente di:



Gerardo Andres Siep

Mihor conoi como "Siep"

*19-02-1980 - †25-05-2018

Na number di su:

Mama: Maria Marlene Lopez w/v Siep

Tata: †Bernardus Maria Siep (Ben)

Yiu: Ziara Siep

Mama di su yiu: Cristiel Upegui

Rumannan: Diego Giovanni Lopez

Juliana R. Siep y Partner Anthony F.E. Maduro

Sobrino(a)nan: Seforah Maria Siep, Isaac

Giovanny Lopez Umpierrez, Maria

Marlene Lopez Umpierrez,

Jessica Juliet Lopez Umpierrez y

Nayara Alexandra Lopez Torro.

Primo y primanan, tanta y omo na Colombia,
España, Hulanda y Alemania.

Tur amigo(a)nan y conocirnan na Aruba, Colombia
y Hulanda.

Ta invita pa acto di despedida cual lo tuma lugar
na Aurora Funeral Home diamars 5 di juni 2018 di
2'or pa 4'or di atardi. Cremacion lo tuma lugar
despues.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Walk with me Jesus til my journey is through
Then with your infinite grace, take me home with
you.

Cu inmenso tristeza na nos curazon pero
conforme cu boluntad di Dios
Nos ta anuncia fayecimento di :



Sr. Alfred Rudolph Simon

Mihor conoci como "Papai of "Vader"

*02-07-1930 - †04-06-2018

Acto di entierro lo wordo anuncia despues.

Tur cuestion di miones di MDPT a keda bon auditá pa Deloitte



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Laga tur locual, cu ta spera mi ta bunita
Laga tur locual, cu mi encontra na caminda ta
bunita

Laga tur locual, cu rondonami ta bunita
Laga tur locual, mi laga atras keda bunita
Y laga tur esakinan termina den tur buniteza.

A bai drumi dushi den brazo di Señor na e edad di
79 aña.



Deoniso Rafael Henriquez,

mihor conoci como Donny

09April 1939 - †29 Mei 2018

Na number di su:

Casa: Martha Henriquez-Zamata

Yiunan: Deoniso (Renny) y Lourdes Henriquez

Debby y Andy Gomes

Litza y Humphrey Croes

Mama di su yiu: †Aura Henriquez-Ras

Nieto(a)nan: Rénomar y Marylaïne. Henriquez

Chrissy-Ann y Kaydee Gomes

Rumannan: †August, y Nora Croes y yiuonan

†Johanna Maanster-Croes y yiuonan

Swinda Henriquez y yiuonan

†Antonieta y Regino Croes 1939

Errol (Joy), Ninita Henriquez y yiuonan

Welo(a)nan di su Nieto(a)nan

Swa y cuñanan, Sobrino(a)nan, primo(a)nan na

Aruba, Hulanda y Peru, su bon amigonan di cas, su

lhanan, su comer y compenar

famianan: Henriquez, Ras, Gomes, Croes, Cadenas
Mondaca, Zamata Mondaca, Zamata Supo,
Albertsz, Arends, Dirksz, Danje, Gomez, Maduro,
Rasmijn, Martis, Oduber, Maanster, Paula, Koolman
y demas famia y amigonan, bisiñanan, conocirnan
y ex-empleadoonan di Lago, Divi, Wickland Oil,
Coastal and Valero.

Si acaso den nos tristeza nos por a lubida algun
famia, nos ta pidi nos mas sincero disculpa.

Ta invita na e acto di entierro cual ta tuma lugar
diamars, 05 juni 2018 na Misa La Birgen di Fatima
na Dakota di 9'or pa 11'or di mainta. Saliendo
despues pa santana na Sabana Basora.

Adres pa condolencia : Aurora Funeral Home
dialuna 4 juni 2018 for di 7'or pa 9'or di anochi.
Enbes di flor of krans lo ta bai tin un box disponi-
ble pa hasi donacion destina pa un bon causa.
Alavez nos ta lamenta cu despues di entierro nos
no por ricibi bishita di condolencia na cas.

Gradicimento

Famia Henriquez kier a gradici di curason na tur
esnan cu di un of otro manera a muestra nan
atencion y sosten durante enfermedad y fayeci-
mento di nos difunto stima: Donny Henriquez. Un
danki special ta bay pa e docter- y enfermeranan
di Dr. Horacio Oduber Hospital y personal di
Aurora Funeral Home pa nan bon servicio y
atencion.

WILLEMSTAD - Durante e temporada
cu e Gobierno aki tabata ya riba dje, ta-
batin publicacionnan den tur medio cu
Werner Wiels no a duna cuenta y rason
di e 16.8 mion florin cu MDPT a haña
na disposicion durante añanan 2014,
2015 y 2016 y cu a uza.

Pero aki señor Wiels a referí n'e cuentan-
an anual di 2014, 2015 y 2016 cu a keda
auditá pa Deloitte y na final e declara-
cion di aprobacion. T'esaki ta un inves-
tigacion di accountant y no e 'nulmet-
ing', señor Wiels a sigui splica mas aleu.
No por saca ningun conclusion for di e
'nulmeting'.

Con por ta cu medionan ta scirbi cu e
no a duna cuenta y rason, pero ata e de-
claracion di aprobacion aki, señor Wiels
a puntra. Aparentemente e sensacion ta
mas importante cu bèrdad. A bisa cu se-
ñor Wiels no a duna cuenta y rason.

"Boso ta còrda cu tabatin un persona cu
yama Promé Minister Koeiman?"

Minister Koeiman a yama Werner Wiels
p'e bin duna cuenta y rason dia 11 di
janüari 2017 tocante tur, tur loke ta toca
MDPT.

Henter e team di MDPT y director di
RdK, controller di RdK a bay oficina di
Promé Minister Koeiman.

E presentacion a dura mas cu 2½ ora.
Despues di 2½ Minister Koeiman a bisa
legumai, e ta pone reunion pa Consejo
di Minister, pasobra e cos aki ta hopi in-
teressante.

A splica tur cos Werner Wiels a continuá
bisando, anto tòg ta sigui pretendé cu
e no a duna cuenta y rason. Como tes-
tigo tabata presente tambe Irving Moe-
nir Alam, kende ta Minister Koeiman
su consehero personal y señora Mariella
Fernando kende ta su otro consehero.

A splica tur cifra y a laga copianan 'hard-
copy' y digital atras. No obstante tur es-
aki a sigui bisa cu Wiels no a duna splica-
cion, anto cu e tin cos di sconde.

Medidanan di seguridad, órden y órden público den caso 'Magnus/Maximus'



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Señor ta mi wardador, mi no tin falta di nada.
Den cunucu berde E ta ponemi sosega"
Salmo 23

A bay biba cerca su Creador:



Señor Jose Fernandes Perna

Mihor conoci como 'Pai' di Lisboa Bar
*18 di april 1929 - † 2 di juni 2018

Na nomber di su:

Yiunan y nan respectivo esposanan:

Jose de Sousa Fernandes Perna y Glenda Krozendijk

Daniel y Cristina Fernandes Perna-Martina

Alvaro y Zuleika Fernandes Perna-Silva

Nietonan y respectivo esposa/pareha:

Albee y Roxenne de Sousa Fernandes Perna-Mathilda

Eliza de Sousa Fernandes Perna

Maryorie Fernandes Perna y Roswin Baarh

Danielito Fernandes Perna y Stephalyn Paesch

Inald Fernandes Perna

Su bisanietonan: Kenmar, Jeon, Elisha, Marvin

Su rumannan : Maria Jose y famia na Madeira

Palmira y famia na Madeira

Su cuña na Aruba: Conceicao y Joao da Silva

Sobrinonan na Aruba:

Joao Daniel (Foei) y Sonia da Silva y famia

Jose Paolo da Silva y yiunan

Su ihanan: Albino, Claudina, Gilda, Liodoro.

Su ayudantenan: Marianne Anthony y Lia van Kempen

Su amigo: Lino Rocha

Su bisñanan: famia Jandroep, Petronia, Toppenberg,
Hassel, Falconi, Orman

Demas famia na Aruba: Krozendijk, Martina, Silva, da

Silva, Mathilda, Baarh, Paesch, Pascoal, de Ponte.

Demas famia na Madeira, Portugal, Brazil, Curacao y

Venezuela.

Su amigonan di comunidad Portugues, clientenan fiel di

Lisboa Bar, su compañeronan deboto di grupo di oracion

'Cu confiansa y Fe den Señor de los Milagros' y comer- y

compernan.

Oportunidad pa condoleer y entierro:

Anochi di condolencia: diaranson, 6 di juni, 7-9 pm, na

Aurora Funeral home

Condolencia, ceremonia final, acto di entierro: diahuebs, 7

di juni, 9-10.30 am, na pro Catedral San Francisco.

Despues di respons ta sigui acto di entierro na santana

Catolico na Playa.

Ta aprecia cu na luga di flor of krans, haci un donacion na

Aruba Heart Foundation. Lo tin un box durante

condolencia y den misa pa deposita e gesto. Danki di

antemano pa e contribucion.

Nos ta pidi disculpa si nos por a lubida di menciona

algun famia.

Acerca ta informa cu despues di entierro no ta ricibi

bishita di condolencia na cas.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu profundo tristesa, pero agradecido na Señor pa
su inmenso amor y cariño nos ta participa
fayecimento di:



Nemencio Solognier

*31-03-1943 - †31-05-2018

Acto di entierro lo tuma lugar diabierna 8 juni 2018
for di 2'or pa 4'or di atardi na Aurora Funeral Home
y despues pa saliendo pa Santana Sabana Basora,

Nos ta lamenta cu despues di entierro nos no ta
ricibi visita di condolencia na cas.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu profundo tristesa, pero agradecido na Señor pa
su inmenso amor y cariño nos ta participa
fayecimento di:



Cecilia Maduro

*22-11-1943 - †03-06-2018

Acto di entierro lo wordo anuncia despues

WILLEMSTAD – Awe diá 6 di juni 2018 pa 08.30 di mainta tin tratamento di caso 'Magnus/Maximus' den Corte di Husticia. N'e ocasion aki Polis y otro identidadnan competente ta tuma e siguiente medidanan.

Polis lo sera e siguiente camindanan pa vehículo motorisá awe 6 di juni 2018 for 07.30 am:

Wilhelminaplein na altura di Ministerio di Husticia te na Waterfortstraat; Waterfortstraat cuminsando for di na altura di De Tempel. (cu excepcion di personanan cu ta laborá na Ministerio di Husticia, Corte di Husticia, Procurador General y Parlamento, nan por haci uso di e camindanan mencioná pa stacioná nan vehículo).

Tráfico biniendo for di Pietermaai por pasa na Wilhelminaplein y drenta Bree-destraat. Personanan cu tin di bishitá un òf otro establecimiento òf ofisina den e cayanan aki por stacioná nan auto na un otro sitio y bay na pia.

E caso ta cuminsá 08.30 am y mester yega un (1) ora promé (07.30'or) pa por drenta Sala di Corte; Mester presentá un identificacion válido. Preferibel cédula òf Pasaporte pa por drenta;

No ta pèmití pa drenta cu telefòn. Pa miembronan di prensa tin excepcion; No ta pèmití pa drenta cu tas, por drenta cu yabi (auto) y cu identificacion (cédula òf pasaporte) na man; Ta prohibí pa graba (video y audio) den sala di Corte; Polis ta controlá tur hende cu drenta y sali den diferente forma; No ta pèmití pa drenta bèk unabes cu bo sali for di edificio durante e caso; No ta pèmití pa drenta sala di Corte despues di 8:25 am; Mester bin cu paña adecuá bistí (no cu strèp, shòrt ni slòf); Mester sigui tur òrdo di Polis mesora.

Polis ta suplicá un y tur pa tuma bon nota di e medidanan aki.

Tabata cambia Minister manera ta cambia paña sushi

WILLEMSTAD -. Pa ilustrá e falta di consertacion cu mester tin den seno di Gobierno, Werner Wiels a conta cu el a duna informacion na diferente Minister, pero cu esakinan no ta pasa e informacion p'e siguiente.

Den ménos cu 6 luna 4 Promé Minister Còrsou a conocé durante e

periodo ey. Anto aki Wiels a haci e pregunta si t'e tin falta cu cosnan no a bay bon debí na tanto cambio di Gobièrno y cu esaki por hustificá tiramento di redada den su cas y no den cas di e Promé Ministernan cu a baha of di e ámbtenarnan (SGnan) cu tambe tabatin tur informacion.

Aparentemente segun señor Wiels e t'e pandushi mas steif! Hues den bista di señor Wiels a cometé un fayogaraval, el a tuma 3 siman, e lo tabata hopi ocupá cu otro cos y esey a haci cu e no por a tuma tempo pa pasa den tur e documentonan.

Ademas mayoria di e informacion ta na Ingles, loke sin duda lo ta un drèmpel mas pisá. Traspaso di Minister Presidènt Whiteman, pa Koeiman, pa Pisas y pa Rhuggenaath tur a culminá den informacionnan cu a keda cologá un caminda.

Manera el a entregá retiro, el a laga tur cos atras, e no a bay cu nada, señor Wiels a sigui splica.

E motibo cu señor Wiels ta bisa di a retirá ta pasobra na momento cu despues di eleccion cu MAN a sali ganadó a bin e famoso carta pa para tur cos.

Pero despues Minister Presidènt Koeiman a invit'é pa duna cuenta y razon, anto e asuntonan a resultá demasiado complicá, cu e Minister a spanta y laga e asuntonan aki para, bisando e pa keda 'voorlopig' numa.

Djey a bin Minister Presidènt Pisas na mando. Cu Minister Presidènt Pisas tambe señor Wiels a tene seccionnan di informacion y a duna tur informacion cu lo mester ta registrá na Consejo di Minister, segun señor Wiels.

E momento cu señor Rhuggenaath a keda nominá pa ta Promé Minister a tuma e iniciativa pa invitá señor Rhuggenaath.

E reunion ey ta grabá segun señor Wiels. Señor Rhuggenaath, segun señor Wiels a sinta scucha, gradicí, caba bay fo'i di e reunion cu MDPT pa pidi un lista di prioridad di puntonan pa atendé cuné den Gobièrno.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu profundo tristesa, pero agradecido na Señor pa
su inmenso amor y cariño nos ta participa
fayecimento di:



Cecilia Maduro

*22-11-1943 - †03-06-2018

Na number di

Tata di su yiu(nan): Francisco (Chico) Croes
Yiu(nan): Magdalena Patricia Croes
Giovanni Croes & Diana Cellaire
Gisella Hijazi-Croes y famia
Juan Carlos Croes y yiu
Alexander Croes
†Raul Croes

Nieto(a)nan stima: Jean Carlo Croes, Arlette Roos,
Jaiella Hijazi, Melisa Croes, Arianne
Boelen, Kevin Croes, Norman Boelen,
Jarir Hijazi.

Rumannan: †Estevanus & †Teresita y famia
Clara & Adelbertus Croes y famia
Agatha Felepa Maduro y famia
†Petra Maduro

Bisanieto(a)nan, Sobrino (a)nan, Prima(o)nan,
Comer y Compènan.

Demas famianan: Croes, Hijazi, Cellaire, Roos,
Boelen, Maduro, Vrolijk, Wouters, Ras,
Viatela, Tromp, van Dijk, Boekhoudt,
Helder, Clemencia.

Ta invita pa asisti na acto di despedida cu lo tuma
lugar diasabra 9 juni 2018 for di 2'or pa 4'or di
atardi na misa Fatima na Dakota.

Nos ta pidi nos disculpa si den nos tristesa nos por
a lubida un of otro famia,
y cu después di entiero nos no por ricibi bisita di
condolencia na cas.

"Señor ta mi wardador, mi'n tin falta di nada.
Den cunucu berde e ta ponemi sosega".
Salmo 23

A bay bida cerca su Creador:

Señor Jose Fernandes Perna
Mihor conoci como 'Pa' di Lisboa Bar
*18 di april 1929 - †2 di juni 2018

Su yiu(nan) y nan respectivo esposan(na): Jose de Sousa Fernandes Perna y Glenda Krozendijk,
Daniel y Cristina Fernandes Perna-Martins,
Alvaro y Zuleika Fernandes Perna-Silva

Su nietonan y nan respectivo espos(a)/pareha: Albea y Roelene de Sousa Fernandes Perna-Mathilda,
Eliete de Sousa Fernandes Perna,
Marilyne Fernandes Perna y Rosalvin Baath,
Danielito Fernandes Perna y Stephelyn Paesch,
Inald Fernandes Perna

Su bisanietonan: Kenmar, Jeany, Elisha, Marvin,
Su rumannan: Maria Jose y famia na Madeira,
Palmira y famia na Madeira,
Su cuñan na Aruba: Conceicao y Jose da Silva,
Su sobrinonan na Aruba: Jose Daniel (Foel) y Sonia da Silva y famia,
Jose Paolida Silva y yiu(nan)
Su tatanan: Albino, Claudina, Gilda, Lidoro,
Su yiu(nan)nan: Marianne Anthony y Lia van Kempen
Su amig(a) Lino Rocha
Su bisanietonan: familia Landroep, Petronia, Toppenberg, Hassel, Falconi, Orman

Demas famia na Aruba: Krozendijk, Martins, Silva, da Silva, Mathilda, Baath, Paesch, Pascual, de Ponte,
Demas famia na Madeira: Portugal, Brazil, Curacao y Venezuela.
Su amigonan di comunidad Portuguesa, clientenan fiel di Lisboa Bar, su compaeronan deboto di grupo di
oracion 'Cu confianza y Fe den Señor de los Milagros' y comer-y-compernan.

Oportunidad pa condoleer y entiero:
Anochi di condoleencia: : diaranson, 6 di juni, 7-9 pm, na Aurora Funeral Home.
Condoleencia, cerimonia final, acto di entiero: diahuebs, 7 di juni, 9-10.30 am, na piro Catedral San Francisco.
Despues di respons ta sigui acto di entiero na santana Catolica na Playa.

Ta aprecia cu na luga di flor of krans, hai un donacion na Aruba Heart Foundation. Lo tin un bon durante
condoleencia y den misa pa deposita e gesto. Danki di antemano pa e contribucion.

Nos ta pidi disculpa si nos por a lubida di menciona algun famia.
Acerca ta informa cu despues di entiero na trankil bishita di condoleencia na cas.

Lisboa Bar & Restaurant N.V.
ta anuncia fayecimento di



Jose Fernandes Perna
Mihor conoci como 'Pa' di Lisboa Bar
*18 di april 1929 - †2 di juni 2018

Na bida, tata di propietario Alvaro Fernandes Perna.

Lo anuncia acto di entiero despues.
Pa motibo di luto, Lisboa Bar lo ta cera te proximo aviso.

Na memoria di Luti Samson



Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

"Cerca Dios mi alma ta na paz, ta di dj'E mi salbacion ta bini"

Salmo 62:1

Tristo, pero agradecido na nos Dios pa tur locual ela significa pa nos, nos ta anuncia fayecimento di nos mama, wela, bisawela, tatarawela:



Sra. Adelia Croes-Limonier

Viuda di Hendrik Croes

Mihor conoci como: "Delin, Tanta Lucha y Mama Delicia"
*23-12-1933 - †03-06-2018

Na nomber di su:

Yiunan: Hendrik (Hemmy), Flor Croes-Bislik
Edwin, Adelfa Croes-Croes
Greta, Esteban Laclé-Croes
Joseph (Tico), Virma Croes-Boekhoudt
†Rafael Gerard Croes
Alexander (Alex), Tamara Croes-van Duren

Nieto y nietanan: Hendrik (Endy), Jorge,
Maria-Elena (Maya), Charissa,
Eldric, Lelia, Shaïra, Steve, Glen,
Desiree (Daisy),
Vanessa, Josué, Björn.

Bisnietonan y tataranieto

Rumannan:

†Martina, Esteban Croeze-Wernet y famia
†Salustiana (Nini), Acinto Croes-Limonier y famia
†Johanita, Juan Angela-Limonier y famia
†Hildo, Thomasina Limonier-Croes y famia
Sabina, †Pascual Oduber-Limonier y famia
†Annie, Angel Diaz-Limonier y famia
Antonia, Santiago Erasmus-Limonier y famia

Swa y cuñana: †Marianita
†Rosa, †Mario y famia
†Pascual y famia
†Carlos y yiunan
Martina, Reynold
Iris, Meindert y famia
Angel y famia
Edwina y yiu
Filomena, Roy y famia
Francisco, Diosa y famia
Juan, Edilma y famia
Maritza, Tico y famia
†Esteban y famia
Juan y famia
Thomasina y famia
Santiago y famia

Ihanan: Altagracia (Inchie) de Cuba-Loefstop
Marlen Hijmering
Rosmin Albertina Croes
Davis Lampe
Maria (Chia) Kock-Lampe
Juan Diaz
Lesbia Tromp-van der Biezen
Dorothy de Cuba

Tur su primo y primanan.

Tur su sobrino y sobrinanan.

Su miho amigo(a)nan:

Selma, Victoria, Bertha, Martin y Tony

Demas famia:

Croes, Limonier, Bislik, Laclé, Boekhoudt, van Duren,
Ernando, Diaz, Oduber, van der Biezen, van Aurich,
de Cuba, Thielman, Croeze, Angela, Erasmus, Quant,
Maduro, Werleman, Lacle, Farro, Muller, Manga,
Villar, Hudson, Eckmeyer, Luyan, Barros, Petrocchi,
Paesch, Costa, Loefstop, Lampe, Gomes Ferreira, Arends,
Winterdaal, Solognier.

Acto di entierro ta tuma lugar diahuebs 7 di juni 2018 na
Royal Funeral Home di 9'or pa 11'or di mainta despue lo
sali pa Santana catolico Pastoor Kraanwinkel na Paradera.
Adres pa condolencia: Royal Funeral Home, diaranson 6
di juni 2018 di 7'or pa 9'or di anochi



Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

Gradicimento

Na nomber di famia Kelly-Britten nos kier a gradici
tur esnan cu di un manera of otro a muestra nan
atencion y duna nos sosten durante fayecimento y
entierro di nos ser kerí.



Maria Epiphania Kelly-Britten

Nos kier a gradici tur e persona nan cu a haci
yamada, manda flor/krans y mansahe.

Gradicimento na tur famia, amigo(a) nan, conocir-
nan, muy especialmente su ruman nan di Cristo
Dios ta Amor.

Koningin Wilhelmina Kankerfonds cu a duna nan
atencion durante e dianan difícil aki.

Muy especialmente na Royal Funeral Home pa e
bon servicio.

Boso atencion y cariño tabata un gran consuelo pa
nos.



Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

Gradicimento/Invitashon

Pa medio di esaki mi kier a expresa mi gradici-
mento na tur esnan cu di un forma of otro a
muestra nan atención na ora di enfermedad,
fayecimento y entierro di nos ser stima:



Jahaira Sulaika Cabral

"Aika"

Palabra di gradicimento na tur e dokternan di
Intensive Care Unit y zusternan pa nan bon trato y
cuido duna na Jahaira. Un danki tambe na Victor
Geerman pa su orashonnan y tambe na Sergio
Tjje-A-Loi pa su bunita speech durante ceremonia
di despedida. Na Aurora Funeral Home masha
danki pa e servicio. Por ultimo un danki pa tur cu
tabata presente.

Alavez ta invita na un Santo Sacrificio di misa dia 7
juni pa 7'or di anochi p.m. na misa Inmaculada
Concepcion Sta. Cruz



MUNDU farandulero a keda di shòck
p'e noticia cu Luti Samson a bay laga nos,
como cu Luti tabata activo den diferente
actividad y keto bay por a canta y pone su
bos resoná.

Luti tabata un bon cantante, un bon com-
positor y un bon hende, y semper bay am-
abel.

Luti ta nos ex Rey di Tumba, cu na 1982
a tembla stadion di Subt, interpretando e
composicion di Rene Samson, su ruman,
den un forma sublime.

Luti a pega varios hit, cu te cu dia di awe
ta resoná local y internacionalmente.

Nos ta referí aki n'e número, Mi so den
Boso.

AMAK ta deseá famia di Luti forsa n'e
momentonan difícil aki.

Luti sosegá na pas. Luti Samson: *"Un kur-
pa salud t'e receta di un bon músico"*



Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

"Bou di alanan di Dios mi ta sigur"

Abo ku ta biba bou di amparo di Altísimo, ta
hospedá den sombra di Dios Omnipotente, bisa
Señor:

"Mi refugio, mi forti, mi Dios,
den kende mi ta pone mi konfiansa"
Salmo 91:1-2

Cu profundo tristesa pero conforme cu boluntad
di Dios nos ta anuncia fayecimento di:



Srta. Catharina F. Kelly

Mihor conoci como "Tina" of "Pepe"

*02-07-1943 - †02-06-2018

Acto di entierro lo wordo anuncia despues.

Detencion a cuminsa cay den asesinato di Pado Josephia

KRALENDIJK - Promé detencion den caso di asesinato di Pado Josephia a cay ayera mainta pa 11 or.

Hòmber cu tabata driver di e get-away car a bay entregá entrega su mes, despues cu su consenshi a sigui persigui'e.

Ayera mainta alrededor di 11.00, Team di Recherche a haci detencion di un hòmber di 18 aña di edad di inicialnan B.V.J.T relacioná cu e caso di asesinato di dia 30 di mei 2018.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

The LORD is my shepherd; I shall not want. He maketh me to lie down in green pastures; he leadeth me beside the still waters. He restoreth my soul: he leadeth me in the paths of righteousness for his name's sake. Psalm 23

With great sorrow but grateful for everything he did for us, we announce the passing of:



Claire Theresa Eleanor Fraser-Phillips

*22-02-1941 - †27-05-2018

Left to mourn:

Husband:

Children:

Alfonso Fernando Fraser

Adolfo Fraser & family

Lyndon Fraser & family

Stephen Fraser & family

Michelle Fraser & family

Grandchildren:

Bryon Fraser, Joel Richardson,

Angeline Richardson,

Adrion Fraser, Victor Fraser,

Xavier Fraser Pantophlet,

Brushel Jr. Fraser, Alonzo Fraser

Siblings:

Errol, Keith, Curtis, Lynette,

Gary, Lloyd, Joan, Marissa,

June

Brother in laws:

Ivan Fraser, Randolph Fraser,

Roy Fraser

Sister in laws:

Rosita Fraser, Roberta Hector,

Katarine

Nephews and Nieces: Nicole, Paul, Roxanne, Judy,

Hilita, Cherry Ann, Jamie

Many close friends.

Close friends:

Bronty, Joy, Calotha, Godwin,

Ann, Jella, Roma

Farewell Ceremony will take place on Thursday June 7th 2018 at Aurora Funeral Home from 2 pm to 4 pm. Cremation will take place in family union.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento

Danki di curason na un y tur cutwt presente na e anochinan di condolencia y entiero.



Juan Andres Ras

10-11-1941 - 28-05-2018

Tambe un dankipa e sosten y palabranan di forza den e momentonandificilnanaki i tambe na tur esnancu a juda di curazoncuentiero di nos kerido tata.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Walk with me Jesus til my journey is through
Then with your infinite grace, take me home with you.

Cu inmenso tristeza na nos curazon pero conforme cu boluntad di Dios
Nos ta anuncia fayecimento di :



Sr. Alfred Rudolph Simon

Mihor conoci como "Papai of "Vader"

*02-07-1930 - †04-06-2018

Acto di entierio lo wordo anuncia despues.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

The LORD is my shepherd; I shall not want. He maketh me to lie down in green pastures; he leadeth me beside the still waters. He restoreth my soul: he leadeth me in the paths of righteousness for his name's sake. Psalm 23

With great sorrow but grateful for everything he did for us, we announce the passing of:



Claire Theresa Eleanor Fraser-Phillips

*22-02-1941 - †27-05-2018

Left to mourn:

Husband:

Children:

Alfonso Fernando Fraser

Adolfo Fraser & family

Lyndon Fraser & family

Stephen Fraser & family

Michelle Fraser & family

Grandchildren:

Bryon Fraser, Joel Richardson,

Angeline Richardson,

Adrion Fraser, Victor Fraser,

Xavier Fraser Pantophlet,

Brushel Jr. Fraser, Alonzo Fraser

Siblings:

Errol, Keith, Curtis, Lynette,

Gary, Lloyd, Joan, Marissa,

June

Brother in laws:

Ivan Fraser, Randolph Fraser,

Roy Fraser

Sister in laws:

Rosita Fraser, Roberta Hector,

Katarine

Nephews and Nieces: Nicole, Paul, Roxanne, Judy,

Hilita, Cherry Ann, Jamie

Many close friends.

Close friends:

Bronty, Joy, Calotha, Godwin,

Ann, Jella, Roma

Farewell Ceremony will take place on Thursday June 7th 2018 at Aurora Funeral Home from 2 pm to 4 pm. Cremation will take place in family union.



AWEMainta

#1 Online

Completamente

DIGITAL

Ricibi AWEMainta tur dia den bo inbox

Manda bo E-mail na noticia@awemainta.com

Haya noticia y edicionan di AWEMainta riba nos website

www.awemainta.com

Like nos riba Facebook

www.facebook.com/awemainta